

Naqqiutitut allakkiaq

Taarserpai oqaaseqaatit 22. august 2018-imeersut
(Tusarniaaqqinnermit oqaaseqaatit oqaaseqarfigineqarneri siunnersuummi
allannguuteqartitsinerup kingunerisaanik tusarniaanermi akissutigineqartunik
tunnngaveqartunik)

Siunnersuummut oqaaseqaatit

Nalinginnaasumik oqaaseqaatit**1. Aallarniut***1.1. Siunnersuummut pingaarnertut tunuliaqutaasut*

Pingaarnertut siunnersuummut tunuliaqutaasooq ilaatigut tassaavoq The International Council on Monuments and Sites-imit (ICOMOS) inassuteqaat, inatsisiliornikkut eqqunneqassasoq taaguutilik Heritage Impact Assessments (HIA). Taanna paasineqassaaq inatsisitigut aalajangersaasoqartoq periarfissamik, kulturikkut eriagisassatut kingornussanut sunniutaasussat pillugit nalilersuinermit suliaqartitsisoqarsinnaaneramik, kulturikkut oqaluttuarisaanermut attuumassutilimmi sumiiffimmi eqqissisimatitaasumi, imaluunniit allatigut kulturikkut eriagisassanik kulturikkut kingornussatut illersugaqarfiusumi ingerlatsinermit aallartitsisoqannginnerani.

Inassuteqaat taanna tunniunneqarpoq nunatta kujataani nunami killilimmi kulturikkut oqaluttuarisaanermut ilaasumik nunarsuarmit UNESCO-mi kingornussaannut nalunaarsuiffimmut ilanngussisoqarneranut atatillugu. Tamatuma kingunerisaanik Naalakkersuisut UNESCO-mut ersersippaat ineriartorneq tamatumani isumaliutigineqartoq, tassanilu aamma HIA-imik atortuulersitsinissaq, nunaminertanik aqutsinermit sakkutut nutaatut.

Nunarsuarmit kingornussaannut komiteep siunnersuisuisa ilaattut ICOMOS qinnuteqaatip nalilersorneqarnerani peqataasimavoq, tamannalu tunuliaqutaralugu inassutigisimallugu kulturikkut kingornussanut sakkutut qularnaariniarnermit atorneqartussatut nalilersuinermit pilersitsisoqassasoq.

Siunissamut sammisumik kulturikkut oqaluttuarisaanermi kingornussat illersorneqarnerat qularnaarumallugu pisariaqartinneqarpoq tigussaasumik nalilersuisoqarnissaa, ingerlatat suut sumiiffimmi sunniuteqarsinnaanerat naatsorsuutigineqarsinnaanersoq, taakkua aallartinneqarnissaat sioqqullugu. Tamanna nalinginnaasumik pisartussatut naatsorsuutaavoq

avatangiisinut sunniutaasussanik nalilersuinernik ingerlatsinikkut (ASN). Tamannali ajornaatsuinnaangitsoq paasinarsisimavoq, ASN-imi toqqaannartumik siunnerfiussanngimmat nunarsuarmit kingornussaasa naleqartut illersorneqarnissaat, soorlu assersuutigalugu nunarsuarmit kingornussaannik UNESCO-p allattorsimaffiutaanut ilanngussisarnerup ersiutigisaattut. Misilittakkat ersersippaat ajoqusiisarnerit piffissap ingerlanerani piartuaartartut illersuinernik aqqissuussinerni pioreersuni takunngitsoorneqartartut. Taamaattumillu ersarissisimavoq pisariaqartitsisoqartoq malittarisassanik nutaanik, sumiiffimmi pineqartumi kulturikkut kingornussanut illersuutaasunik.

Siunnersuummilu tunuliaqutaasortaaq aamma tassaavoq isumaliutersuutaammat Kalaallit Nunaata avannaarsuani kangianilu Nuna Allanngutsaaliugassatut Immikkoortitaq pillugu Namminersornerullutik Oqartussat nalunaarutaat nr. 7, 17. juni 1992-imeersoq nutarterneqassasoq. Tamatumunngalu atatillugu pissusissamisoortutut isigineqarpoq nunami allanngutsaaliukkami Kalaallit Nunaata Avannaani aamma Kangiani malittarisassat sakkortusisat erseqqissaavigineqarnissaat. Tamatumunnga inassuteqaataasut Pinngortitamut Avatangiisinullu Nunalerinermullu Naalakkersuisoqarfiusimasumit aamma Naalakkersuisut Siulittaasuata Naalakkersuisoqarfialu naapertorlugit tunuliaqutaralugillu tulliuttuni sumiiffik pineqartoq taaguuserneqarpoq Nuna Allanngutsaaliugaasoq/ biosfæreqarfiusoq Kalaallit Nunaata Avannaani aamma Kangiani. Tamanna tunngaveqarpoq nuna allanngutsaaliugaasoq nunarsuarmit akornanni taamaattutut aalajangersagaanngimmat, kisiannili sumiiffittut biosfæreqarfiusutut.

Nunatta Katersugaasivia Allagaateqarfialu ilanngullugu kissaateqarsimavoq illersuinerni malittarisassanik sukannernerulersitsisinnanissamut periarfissaqartitsisoqassasoq, nunami killilikkami nunap allanngutsaaliugaasup / biosfæreqarfiusup Kalaallit Nunaata Avannaani aamma Kangianiittup saniatigut.

Tamatumalu saniatigut Nunatta Katersugaasivia Allagaateqarfialu kissaateqarsimavoq Inatsisartut inatsisaanni § 22-mi illut eqqissisimatitaasut iluarsarneqartarnerat pillugu malittarisassanik erseqqissaasoqassasoq.

1.2. Inatsisissatut siunnersuusiornermi immikkoortut pingaarnert

Kalaallit Nunaata avannaarsuani kangianilu Nuna Allanngutsaaliugassatut Immikkoortitaq pillugu Namminersornerullutik Oqartussat nalunaarutaata nr. 7, 17. juni 1992-imeersup nutarterneqarneranut atatillugu Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoqarfiusimasup Namminiilivinnermut, Pinngortitamut, Avatangiisinut Nunalerinermullu Naalakkersuisoqarfiusimasumut, - nalunaarummut akisussaasuusup - nalunaarutigaa pissusissamisoortutut isigalugu inatsisitigut ersarissunik aalajangersakkanik pilersitsisoqarnissaa, sakkortusisanik illersuinermut malittarisassanik kulturikkut eriagisassat aamma katersugaasiveqarnikkut ingerlatsiviusut iluanni, aammalu

tamatuma siunissami aqunneqarnissaa Naalackersuisoqarfimmit kulturikkut eriagisassanut aamma katersugaasiveqarnermut inatsisitigut akisussaasuusumit isumagineqartariaqartoq.

Ilinniartitaanermut, Kultureqarnermut, Ilisimatusarnermut Ilageeqarnermullu Naalackersuisoqarfiusimasup inatsisissamik piareersaateqarnermut atatillugu Nunatta Katersugaasivia Allagaateqarfialu oqaloqatigisarsimavaa, tassanngaanniillu pingaarnertut ersersinneqarpoq nunap allanngutsaaliugaasup / biosfæreqarfiusup Kalaallit Nunaata Avannaani aamma Kangianiittumi inatsisitigut aalajangersagaasut atuutiinnarnissaat kissaatigineqartut.

Ilinniartitaanermut, Kultureqarnermut, Ilisimatusarnermut Ilageeqarnermullu Naalackersuisoqarfiusimasup aamma ilisimatitsiviusunik Naalackersuisoqarfiit susasaqartut aqutsisoqarfiillu suliamee ataatsimeeqatigisarsimavai, aalajangersakkanut siunnersuutaasut tunngatillugu, ingerlatat kulturikkut kingornussanut sunniutaat nalilersorniarlugit (siunnersuummi § 1, nr. 8).

2. Siunnersuummi immikkoortut pingaarnertit

a) Inatsit maanna atuuttoq

Inatsit maanna atuuttoq tassaavoq Eqqissisimatitsisarneq aamma allatigut kulturikkut eriagisassanik kulturikkut kingornussatut illersuineq pillugu Inatsisartut inatsisaat nr. 11, 19. maj 2010-meersoq.

Qanganitsat eriagisassat nunamit imaaliiallaannarlugit peerneqarsinnaanngitsut

Qanganitsat eriagisassat nunamit imaaliiallaannarlugit peerneqarsinnaanngitsut pillugit malittarisassat Inatsisartut inatsisaanni kapitali 2-mi nassaassaapput.

Inatsisartut inatsisaanni § 5, imm. 1 aamma 2-mi malittarisassanik aalajangersagaqarpoq suut eqqissisimatitaanersut pillugit (isumamineertumik eqqissisimatitat), suullu tamatumunnga aalajangiinikkut eqqissisimatinneqarsinnaanersut.

§ 5, imm. 1-imi aalajangersarneqarpoq qanganitsat eriagisassat imaaliiallaannarlugit peerneqarsinnaanngitsut ukioq 1900-p siornaneersut, tamatumani aamma illukut, nunaqarfikut, ilerriit aamma iliveqarfikut eqqissisimatitaasut, aammalu nunaannarmi ilerriit 1900-imeersut aamma kingornaneersut aamma eqqissisimatitaasut.

Automatiskiusumik eqqissisimatitsisarnerup § 5, imm. 1-ip kingunerisaanik saniatigut Nunatta Katersugaasiviata Allagaateqarfialu tamanna pillugu § 5, imm. 2 naapertorlugu tusarniaareernikkut aalajangiiffigisassavai sanaartukkat ukiumit 1900-mit kingornagulluunniit aallaavillit, iliveqarfiit atorunnaarnikut, inussuit, narsaatit eqqaaniittullu qammat, attatiinnarneqarnissaat, oqaluttuarisaanermi naleqarnertik tunngavigalugu pingaaruteqartut.

Aammalu § 5, imm. 3 naapertorlugu periarfissaqarpoq Naalackersuisut Nunatta Katersugaasivianit Allagaateqarfianillu tamanna pillugu inassuteqarneq naapertorlugu

ersarinnerusunik aalajangersagaliorsinnaanerannut, qanganitsat eriagisassat imaaliallaannarlugit peerneqarsinnaanngitsut pillugit, tamatumani aamma eqqissisimatitsinermut atugassarititaasunik.

Inatsisartut inatsisaanni § 6, imm. 1-3-mi malittarisassanik aalajangersagaqarpoq eqqissisimatitsinerup inatsisitigut tunngavigisaanik.

§ 6, imm. 1 naapertorlugu eqqissisimatitsineq kinguneqassaaq sumiiffiup pineqartup ajoqusersorneqarsinnaannginneranik, allanngortinneqarsinnaannginneranik imaluunniit tamakkiisumik ilaannakuusumilluunniit nuunneqarsinnaannginneranik.

§ 6, imm. 2-mi aalajangersarneqarpoq qanganitsat eriagisassat imaaliallaannaq peerneqarsinnaanngitsut 2 meterimik tikillugit ungasissusilimmi sunilluunniit ingerlatsisoqassanngitsaq.

§ 6, imm. 3-mi aalajangersarneqarpoq qanganitsat eriagisassat imaaliallaannaq peerneqarsinnaanngitsut eqqaanni 2 meterimiit 20 meteri tikillugu ingerlatsisoqassanngitsaq, nunalerinermik ingerlatsineq eqqaassanngikkaanni, aammalu qanganitsanut eriagisassanut imaaliallaannaq peerneqarsinnaanngitsunut aqutissamik illerngiortoqassanngitsaq. Nunalerinermut atatillugu ingerlatsinermi ilaavoq nunap qaavanik assaaneq 15 cm. angullugu, naggorissaasersuineq, naatitassanik ikkussuineq kiisalu nunaminertanik ivigartorfissanik naatitsisarneq. Nunatta Katersugaasiviata Allagaateqarfialu pisinnaatitsissutigisinnaavaa nunalerinermi ingerlatanik allanik ingerlatsisinnaaneq, tamatumani aamma ujaqqanik piiassinnaaneq, kiisalu aamma allagarsiivinnik paasissutissaasivinnik ikkussisinnaaneq, eqqaaviliisinnaaneq allanillu inuit tamat qanganitsanik eriagisassanik imaaliallaannaq peerneqarsinnaanngitsunik tikisitsisarneranni pisariaqartutut isigineqartunik ikkussisinnaaneq.

Kiisalu § 6, imm. 4-mi Nunatta Katersugaasivia Allagaateqarfialu periarfissalernerneqarpoq immikkut akuersissuteqarsinnaanermut imm. 1-3-mi aalajangersakkaniit, pissutsit immikkut ittut taamaaliornissaq pissusissamisoortippassuk.

Illuutit

Illuutit pillugit malittarisassat Inatsisartut inatsisaanni kapitali 3-mi nassaassaapput.

Inatsisartut inatsisaanni § 18-imi aalajangersarneqarpoq malittarisassanik kikkut eqqissisimatitsinissamik aalajangiisarnersut, qaqugukkut eqqissisimatitsisoqalersinnaanersoq, aamma eqqissisimatitsineq inatsisitigut qanoq kinguneqartarnersoq pillugit.

Nunatta Katersugaasivia Allagaateqarfialu § 18, imm. 1 naapertorlugu aalajangiisarpoq, tusarniaareernikkut, illuutinik eqqissisimatitsinissamik, taakkua piuinarnissaat illersorneqarnissaalluunniit oqaluttuassartaat imaluunniit sannamikkut immikkuullarissusaat immikkut pingaaruteqarpata.

§ 18, imm. 2-mi aalajangersarneqarpoq illuutiniq eqqissisimatitassangortitsineq immikkut ittunik pisussaaffiliisartoq, illup aserfallatsaalineqarnissaanut aammalu illumik sanaartornikkut allannguisinnaanermik killiliisarluni.

§ 18, imm. 3-mi Naalakkersuisut periarfissinneqarput Nunatta Katersugaasivianit Allagaateqarfianillu tamatumunnga atatillugu inassuteqarnermik tunngaveqartumik ersarinnerusunik aalajangersagaliornissamut illumik eqqissisimatitsisarnissamik, tamatumanilu aamma eqqissisimatitsinermut atatillugu atugassarititaasussanik aalajangersaasarnissamut.

Inatsisartut inatsisaanni § 22-mi malittarisassanik aalajangersagaqarpoq illup eqqissisimatitassap isumannaatsumik aserfallatsaalineqarnissaanik, aserfallatsaaliineq qanoq aaqqissuunneqassanersoq aamma illup sannaani suliaqartarneq qanoq aaqqissuunneqartassanersoq pillugit.

§ 22, imm. 1-imi aalajangersarneqarpoq illumik piginnittup illu eqqissisimatitaaq isumannaatsumik aserfallatsaalissagaa. Nalinginnaasumik aserfallatsaaliineq pisassaaq atortunik pioreersut assinginiq atuinikkut, periaatsit aamma qalipaait assinginiq, aammalu illup eqqissisimatitaasup pissusianik isikkuanillu eqqissisimatitsilernermit attassiinnarluni. Nunatta Katersugaasiviata Allagaateqarfialu pissutsit immikkut ittut tamanna pisariaqartippassuk immikkut akuersissuteqarfigisinnaavaa atortooreersut assinginiq, periaatsit assinginiq aamma qalipaait assinginiq atuinissat saneqqunneqarsinnaaneri.

§ 22, imm. 2-mi aalajangersarneqarpoq illumi eqqissisimatitaasumi sanaartukkat tamarmik Nunatta Katersugaasivianit Allagaateqarfianillu akuerineqareersimasassasut, suliassat illutaanut eqqissisimatitaasumut tunngasuuppata, suliassallu nalinginnaasumik aserfallatsaaliineq sinnerlugu suliassaappata. Nunatta Katersugaasivia Allagaateqarfialu akuersissummik tunniussaqaqarnerminut atatillugu piumasaqaatinik ilanngussisinnaavoq.

§ 22, imm. 3 naapertorlugu Nunatta Katersugaasivia Allagaateqarfialu qinnuteqarneq tunngavigalugu aalajangersinnaavoq aserfallatsaaliinermut aningaasartuutit imaluunniit illumik eqqissisimatitaasumik suliaqarneq tamakkiisumik ilaannakuusumilluunniit aningaasanut inatsimmi aningaasaliissutinit akilerneqassasoq.

Kulturikkut oqaluttuarisaanermut tunngasut sumiiffiit

Kulturikkut oqaluttuarisaanermut tunngasumik aalajangersakkat Inatsisartut inatsisaanni kapitali 4-mi nassaassaapput.

Malittarisassani aalajangersarneqarpoq kina eqqissisimatitsisarnermi aamma allatigut kulturikkut eriagisassanik kulturikkut kingornussatut illersuinermi aalajangigassanik aalajangiisassanersoq, taakkualu inatsisitigut kingunerisassaasut pillugit. Kiisalu aamma aalajangersagaqarpoq qanoq eqqissisimatitsinissamik suliassat imaluunniit allatigut

kulturikkut eriajisassanik kulturikkut kingornussatut illersuineq aallartinneqartarnersoq aamma suliarineqartassanersoq, aalajangiinerit tamanut tusagassiarineqartarnerannik, aamma Nunatta Katersugaasiviata Allagaateqarfiatalu sumiiffinnik kulturikkut oqaluttuarisaanermi eqqissisimatitaasunik imaluunniit allatigut kulturikkut eriajisassanik kulturikkut kingornussatut illersukkanik nalunaarsuiffeqassasoq. Kiisalu aamma aalajangersagaqarpoq nakkutilliinermut tunngasunik, aamma sumiiffinnik illersugaasunik aserfallatsaaliisarnermut tunngasunik.

Inatsisartut inatsisaanni aalajangersagaqanngilaq ingerlatat kingunerisinnaasaasa nalilersuiffigineqartarneri pillugit, ingerlatani kulturikkut eriajisassatut kingornussaasunut sunniuteqarsinnaasutut isigineqartunut tunngatillugu.

b) Siunnersuut

Siunnersuummi § 1, nr. 8-mi ilanngunneqarpoq aalajangersagaq sumiiffinni eqqissisimatineqartunut imaluunniit allatigut kulturikkut illersorneqartunut ilaasuni ingerlatsinernik aallartitsisoqassanngitsoq, kulturikkut kingornussanut sumiiffimmiittuni annertuutigit sunniuteqarsinnaasutut isigineqartunik, nalilersuisoqareertinnagu ingerlatsinerup kulturikkut kingornussanut sunniutigisinnaasai pillugit, aammalu Naalackersuisut tamatumunnga atatillugu nalunaarusiamik akuersissuteqareersimatinnagit. Assigisaanik atuuppoq tamanni pisuni isumaliuteqartoqartillugu eqqissisimatitsinermik atortuulersitsinissamik imaluunniit allatigut kulturikkut kingornussanik illersuineramik aaqquussiniartoqartillugu sumiiffimmi, immikkullu akuersissuteqartoqarnissaanut atatillugu suliamik ingerlatsisoqartillugu inatsisitigit kingunerisassanut tunngasunik, eqqissisimatitsinermut imaluunniit allatigut kulturikkut kingornussanik illersuisoqalernissaanut atatillugu. Aalajangersakkamilu aammattaaq ilaavoq immikkut akuersissuteqarsinnaanermut aalajangersagaq, eqqissisimatitsisarnermut aamma allatigut kulturikkut kingornussanik eqqissisimatitsisarnermut aammalu allatigut kulturikkut illersuineramik aamma immikkut akuersissuteqarnermik nalunaaruteqartarnernut atatillugu misissueqqaarnernut akuersissutini, ujarlernerni aamma aatsitassanik, sermimik aamma imermik iluaquteqartarnerni, kiisalu erngup nukinga iluaqutigalugu nukissiorfiliortarnerni, taamaattunullu atatillugu misissueqqaartarnerni. Tamatumalu saniatigut aalajangersaarneqarpoq kiap akisussaaffigineraa nalunaarsuisarneq nalunaarusiortarnerlu tamanna pillugu, ilanngunneqarporlu Naalackersuisunut pisussaaffik maleruagassiortarnermut ersarinnerusunik nalilersuisarnermut aamma nalunaarusiortarnermut atatillugu.

Aalajangersakkakkut tikisartorneqarput ICOMOS-imit inassutigineqartut taamatut nalilersuisarnernut tunngatillugu. Aalajangersagarlu ilutigisaanik ataatsimut nukittorsaaneruvoq nunatsinni kulturikkut kingornussat illersorneqartarneranni ataatsimut aalajangersakkanik, tamatumani aamma siunissami UNESCO-mi nunarsuarmit kingornussaannut ilanngussisarnernut atatillugu qinnuteqaateqartarnerni aalajangersakkanik.

Ingerlatanut pineqartunut tunngatillugu kulturikkut kingornussanut sunniutissai pillugu nalilersuisarneq aamma ilanngullugu peqataassaaq aaqqissuussaasumik periaaseqalernissamut nunarsuarmit kingornussaanni qanoq ittunik pisariaqartitsisoqarneranik nalilersuisarnernut tamakkiisumik takussutissiisunut, aaqqissuussamik aamma ataqatigiissumik suliaasumik.

Nalilersuineq ingerlatap kulturikkut kingornussanut sunniutai pillugit isigineqarpoq sakkutut pingaartutut nunarsuarmit kingornussaata pillugit komitee-mut qinnuteqaateqartarnermut atatillugu.

Sumiiffiit kulturikkut oqaluttuarisaanermut attuumassuteqartut, nunarsuarmit kingornussaannut allattorsimaffimmi nalunaarsorneqarsimasunut ilanngunneqartussatut kissaatigineqartut naatsorsuutigineqartarput inatsisitigut illersugaanissaat. Tamanna pisinnaavoq sumiiffimmik eqqissisimatitsinikkut imaluunniit allatigut kulturikkut kingornussanik illersuinissamik aaqqissuussinikkut. Ingerlatap kulturikkut kingornussanut sunniutaanik nalilersuineq peqataasarmat kisitsisinik paasissutissanik assigiissaakkanik qularnaarisoqartarneranik ingerlatallu kingunerisassaannik nalilersuisoqartarneranik, atortorissarusuisarneq isigineqarpoq periaatsitut naleqquttut Kalaallit Nunaanni kulturikkut kingornussanik illersuinermit ataatsimut isigaluni, apeqqutaatinnagu suliaassarfiup pineqartup nunarsuarmit kingornussaannut ilanngunneqarnissaa kissaataanersoq imaluunniit naamik.

Aalajangersagaq tunuliaqutaqarpoq kissaateqarnermik suussusilersuisoqarnissaanik, nunarsuarmit naleqartitaasa nalilersorneqarsinnaanngitsut UNESCO-mi nunarsuarmit kingornussaannut allattorsimaffimmiittunut nalorninartorsiortitsisinnaasut eqqarsaatigalugit. Nalilersuisoqartarnissaanik piunasaqaat, kingornagullu nalunaarummik suliaqartoqartarnissaa pisariaqartuaannarpoq apeqqutaatinnagu suut tunngaviusimanersut eqqissisimatitsinermik aaqqissuussinermut, imaluunniit kulturikkut kingornussanik allatigut kulturikkut oqaluttuarisaanermut tunngasunut atatillugu aalajangersaanerit eqqarsaatigalugit, taamaattumillu piunasaqaat ataatsimut atortuutinneqarpoq.

Siunnersuullu aamma § 1, nr. 1-imi ilaqarpoq isumamineertumik eqqissisimatitsinernik, inussunnik tamanik aamma inussuit oqaluttuaannik, ukiui apeqqutaatinnagit, sumiiffinni nunatut allannugtsaaliugaasumi/biosfæreqarfiusumi Kalaallit Nunaata Avannaani aamma Kangianiittumi. Aalajangersakkat taakkua tunuliaqutaqarput Nunami Allannugtsaaliugaasumi/biosfæreqarfiusumi Kalaallit Nunaata Avannaani Kangianilu inissisimasumi pissutsini. Tamaani amerlasuunik inussoqarlunilu inussunni oqaluttuanik nassaassaqarpoq, ukiumi 1900-mi kingusinnerusukkulluunniit pilersitaasunik, nalilerneqartunillu oqaluttuarisaanermi naleqartutut annertuumillu isumaqartutut. Taamaattumik, nalilerneqarpoq pissusissamisoortuusoq qularnaassallugu tamakkaa nunami allannugtsaaliugaasumi/biosfæreqarfiusumi Kalaallit Nunaata Avannaani aamma Kangianiittut isumamineertumik eqqissisimatitaanissaasa qularnaarneqarnissaat.

Aammalu siunnersuutip § 1, nr. 2-ani aalajangersakkamik ilanngussisoqarpoq Naalackersuisut nunap allanngutsaaliugaasup/biosfæreqarfiusup Kalaallit Nunaata Avannaani aamma Kangianiittumut, sumiiffinnullu ersarinnerusunik killilerneqartunut, malittarisassiorsinnaasut qanoq nutaanngitsiginissaannut piunasaqaatinik, § 5, imm. 1-imi oqaaseqatigiinni siullerni saneqqutsisinnaaneq pillugu (isumamineertumik nunami qanganitsat imaaliallaannaq peerneqarsinnaanngitsunik eqqissisimatitsineq) imm. 2-milu (eriagisassanik qanganitsanik eqqissisimatitsinissamik aalajangiinerit).

Tamatumuuna naapigiarnearput Nunatta Katersugaasivianit Allagaateqarfianillu kissaataasut, nunami allanngutsaaliugaasumi eqqissisimatitsinermut malittarisassanik sukannernerulersitanik ingerlatsiinnarnissaq eqqarsaatigalugu, aammalu malittarisassanik sukannernerulersitanik eqqissisimatitsinermut aalajangersaasinnaaneq sumiiffinni immikkut killilikani pillugit.

Tamatuma saniatigut siunnersuutip § 1, nr. 3-ani ikkunneqarpoq aalajangersagaq nunami allanngutsaaliugaasumi/biosfæreqarfiusumi Kalaallit Nunaata Avannaani aamma Kangianiittumi ingerlatsisoqassanngitsaq qanganitsat eriagisassat nunamit imaaliallaannarlugit peerneqarsinnaanngitsut eqqaanni, 100 meterisut ungasissusilimmi. Sumiiffinnullu immikkut killilerlugit aalajangiunneqarsimasunut tunngatillugu aalajangersagaliortoqarpoq. Naalackersuisut malittarisassiorsinnaasut ungasissusissanut aalajangersakkanik saneqqutsisinnaaneq § 6, imm. 2-4-mi pineqartut pillugit, (qanganitsanut eriagisassanut nunamit imaaliallaannaq peerneqarsinnaanngitsunut sunniutaasut).

Aalajangersakkat allanngortinneqartut eqqaaneqartut isumamineertumik eqqissisimatitsilersarnermut atatillugu, aamma qanoq nutaanngitsiginerannut tunngasumik aalajangersakkanik saneqqutsisinnaaneq ungasissusissamik piunasaqaataasumut atatillugu, naapigiaapput Nunatta Katersugaasiviata Allagaateqarfiatalu malittarisassanik sakkortusisanik ingerlatitseqqiinnarnissamik kissaataa, nunamik allanngutsaaliugaasumik / biosfæreqarfiusumik Kalaallit Nunaata Avannaani aamma Kangianiittumik eqqissisimatitsinermut atatillugu, aamma sumiiffinnut immikkut killilikkanut sakkortusisanik malittarisassaqartarnermut atatillugu, tamatumunnga immikkut pissutissaqaraangat.

Tamatumalu saniatigut siunnersuummi § 1, nr. 4-mi, § 22 a-mik ikkussisoqarnerata kingunerisaanik, ikkunneqarluni innersuussineq § 22 a-mut, § 18, imm. 2-mi.

Tamatumalu aamma saniatigut siunnersuummi § 1, nr. 5-imi § 22 a-p ikkunneqarnerata kingunerisaanik ilanngunneqarpoq aalajangersakkamik saneqqutsisinnaanermut periarfissaq § 20, imm. 2-mi malittarisassamut § 22 a, imm. 2-mut tunngatillugu.

Taakkua saniatigut siunnersuutip § 1, nr. 6-ia aamma imaqarpoq erseqqissaataasunik illuutit eqqissisimatitaasut aserfallatsaalineqartarnerannut atatillugu. Misilittakkat aalajangersakkami attuuttumiittut tunuliaqutaralugit pissusissamisoortinneqarsimavoq oqaasertaliornerata allanngortinneqarnissaa, malittarisassat erseqqissaavigiumallugit ataatsimut.

Taamaasilluni inatsisip oqaasertaani erseqqissaasoqarpoq illumik eqqissisimatitaasumik piginnittuusoq taannaasoq akisussaasoq taassuma illersorneqarsinnaasumik aserfallatsaalineqarnissaanut.

Kiisalu aamma siunnersuutip § 1, nr. 7-iani ikkunneqarpoq paragraffi nutaaq, Sanaartornikkut suliasat sanaartukkanik eqqissisimatitanillu immikkut ilisimasalinnit misilittagalinnillu suliarineqartassapput, ajornanngippallu illup sanaartugartaasa ilaanik taarsiinani.

Erseqqissaanerup tamatuma pingaarnertut peqataaffigissavaa eqqissisimatitsinermi naleqartitat paasilluarneqarnissaat, ataatsimullu tunngaviliissallutik aserfallatsaaliisarnermi iluarsaassisarnermilu tunngaviusussanik, illuutinut eqqissisimatitaasunut tunngatillugu.

Naalackersuisut sanaartukkanik suliaqarneq pillugu erseqqinnerusunik maleruagassiornissamut aamma pisussaaffilerneqarput.

Kiisalu aamma siunnersuummi § 1 nr. 9-mi § 22 a-mik ikkussinerup kingunerisaanik ilanngunneqarpoq innersuussineq § 22 a, imm. 1-imut, § 29, imm. 2-mi.

Allannguutissatut siunnersuutaasut kingunerisaannik siunnersuummi § 1, nr. 10-mi pineqaatissiissutinik kinguneqartitsisinnaaneq pillugu aalajangersakkat malitsigisaannik allannguisoqarpoq.

| Siunnersuut Inatsisartut inatsisaannut atuuttumut sanilliullugu | |
|---|---|
| <i>Aalajangersakkat oqaasertaat atuuttut</i> | <i>Inatsisissamut siunnersuut</i> |
| | § 1 Eqqissisimatitsisarneq aamma allatigut kulturikkut eriagisassanik kulturikkut kingornussatut illersuineq pillugu Inatsisartut inatsisaanni nr. 11, 19. maj 2010-meersumi imaattunik allannguuteqartitsisoqassaaq: |
| <p>§ 5. Qanganitsat eriagisassat 1900-p siornaneersut tamarmik eqqissisimatitaapput, taakkununga ilanngullugit illukut, nunaqarfikut, ilerit iliveqarfikullu. Nunaannarmi ilerit 1900-p kingornaneersut aammattaq eqqissisimatitaapput.</p> <p><i>Imm. 2.</i> Nunatta Katersugaasiviata Allagaateqarfiatalu, taamaattoq tak. § 8, tamanna pillugu tusarniaareernerup</p> | <p>1. § 5, <i>imm. 1</i>-imi, nutaatut ikkunneqassaaq <i>oqaaseqatigiit pingajuattut:</i></p> <p>”Nunami allanngutsaaliukkami, Biosfæreqarfiusumi Kalaallit Nunaata Avannaani aamma Kangiani inussuit tamarmik aamma inussuit pillugit nunap allanngutsaaliukkap iluaniittut oqaluttuat eqqissisimatitaapput, ukiut qassit pineqarneri apeqqutaatinnagit.”</p> |

| | |
|---|---|
| <p>kingorna, tak. § 7, imm. 3, eqqissisimatitassatut aalajangiiffigissavai 1900-miit kingornagullu sanaartukkat, iliveqarfiit atorunnaakkat, inussuit, narsaatit tamakkunanilu ujaqqanik asseqqutaliussat, piunnarnissaat oqaluttuarisaanermut annertuumik pingaaruteqartut.</p> <p><i>Imm. 3.</i> Naalackersuisut Nunatta Katersugaasiviata Allagaateqarfiatalu inassuteqaateqarnera naapertorlugu, qanganitsat eriagisassat imaaliallaannarlugit peerneqarsinnaanngitsut eqqissisimatinneqarnissaat malittarisassaliuussinnaavaat, eqqissisimatitsinissamut piunasaqaatit ilanngullugit.</p> | |
| <p>§ 5. Qanganitsat eriagisassat 1900-p siornaneersut tamarmik eqqissisimatitaapput, taakkununga ilanngullugit illukut, nunaqarfikut, ilerriit iliveqarfikullu. Nunaannarmi ilerriit 1900-p kingornaneersut aammattaq eqqissisimatitaapput.</p> <p><i>Imm. 2.</i> Nunatta Katersugaasiviata Allagaateqarfiatalu, taamaattoq tak. § 8, tamanna pillugu tusarniaareernerup kingorna, tak. § 7, imm. 3, eqqissisimatitassatut aalajangiiffigissavai 1900-miit kingornagullu sanaartukkat, iliveqarfiit atorunnaakkat, inussuit, narsaatit tamakkunanilu ujaqqanik asseqqutaliussat, piunnarnissaat oqaluttuarisaanermut annertuumik pingaaruteqartut.</p> <p><i>Imm. 3.</i> Naalackersuisut Nunatta Katersugaasiviata Allagaateqarfiatalu inassuteqaateqarnera naapertorlugu, qanganitsat eriagisassat imaaliallaannarlugit peerneqarsinnaanngitsut eqqissisimatinneqarnissaat malittarisassaliuussinnaavaat, eqqissisimatitsinissamut piunasaqaatit</p> | <p>2. § § 5 -imi imm. 4-tut ikkunneqassaaq: ” <i>Imm. 4.</i> Nunami allanngutsaaliukkami, Biosfære-qarfiusumi Kalaallit Nunaata Avannaani aamma Kangiani sumiiffinnilu immikkut killilerlugit aalajangiunneqarsimasuni, Naalackersuisut malittarisassiorsinnaapput qanoq nutaanngitsiginissaannik piunasaqaataasunik saneqqutsisinnaaneq imm. 1-imi pillugu, oqaaseqatigiinni siullerni aamma imm. 2-mi pineqartut pillugit.”</p> |

| | |
|---|---|
| <p>ilanngullugit.</p> | |
| <p>§ 6. Eqqissisimatitassanngortitsinerup kingunerissavaa eqqissisimatitassanngortitat innarlerneqannginnissaat, allanngortinneqannginnissaat imaluunniit tamakkiisumik ilaannakortumilluunniit nuunneqannginnissaat.</p> <p><i>Imm. 2.</i> Qanganitsanit eriagisassaniit imaaliallaannarlugit peerneqarsinnaanngitsuniit 2 meterisut ungasitsigisup iluani suugaluartunilluunniit ingerlatsisoqaqquusaanngilaq.</p> <p><i>Imm. 3.</i> Qanganitsanit eriagisassaniit imaaliallaannarlugit peerneqarsinnaanngitsuniit 2 meterimiit 20 meterisut ungasitsigisup iluani suugaluartunilluunniit ingerlatsisoqaqquusaanngilaq, nunalerinikkut ingerlatsinerit qanganitsanullu eriagisassanut orniguttut aqqusineeraliuunnerat eqqaassanngikkaanni. Nunalerinikkut ingerlatanut ilaapput nunap qaavaniit 15 cm tikillugu itissusilimmut nunap qaavanik nalimmatserineq, naggorissaaneq, naasussaliineq kiisalu nunatap ivigartortitsivittut atorneqarnera. Nunalerinikkut ingerlatanut allanut, matumanittaaq ujaraajaanissamut, kiisalu paasisutissanut nivinngaaviliinissamut, eqqaavinnik allanillu inuit qanganitsanut eriagisassanut imaaliallaannarlugit peerneqarsinnaanngitsunut tikitsisinnaanerannut iluaqutaasinnaasunik ikkussinissamut Nunatta Katersugaasivia Allagaateqarfialu akuersissuteqarsinnaavoq.</p> <p><i>Imm. 4.</i> Immikkut tunngavissaqavitsillugu imm. 1-3-mi aalajangersakkat sanioqqunneqarnissaat Nunatta Katersugaasiviata Allagaateqarfialu akuersissutigisinnaavai.</p> | <p>3. § 6 -imi ikkunneqassaaq <i>imm. 3</i>-tut nutaatut:</p> <p><i>”Imm. 4.</i> Nunami allanngutsaaliukkami, Biosfære-qarfiusumi Kalaallit Nunaata Avannaani aamma Kangiani ingerlatsisoqassanngilaq suliniutinik, qanganitsat eriagisassat nunami imaaliallaannarlugit peerneqarsinnaanngitsut eqqaanni 100 meterinik ungasissusilik tikillugu.</p> <p><i>Imm. 5.</i> Sumiiffinnut immikkut killilerlugit aalajangiunneqarsimasuni Naalakkersuisut ersarinnerusunik malittarisassiorsinnaapput imm. 2-4-mi qanoq ungasissusissatut piumasqaataasunut tunngatillugu”</p> <p><i>Imm. 4</i> taamaasilluni <i>imm. 6-inngussaaq.</i></p> |
| <p>§ 18. Nunatta Katersugaasiviata Allagaateqarfialu, taamaattoq tak. § 20,</p> | <p>4. § 18, <i>imm. 2,</i> imatut oqaasertalerneqas-saaq:</p> |

| | |
|---|---|
| <p>tusarniaareernikkut, tak. § 19, imm. 2, illut piunnarnissaat illersornissaalluunniit oqaluttuarisaanikkut imaluunniit illulioriaatsikkut annertuumik pingaaruteqartut eqqissisimatinnissaat aalajangissavaa.</p> <p><i>Imm. 2.</i> Illunik eqqissisimatitassanngortitsinerup malitsigissavaa illup aserfallatsaaliorneqarnissaanut aamma sanaartorfigineqarsinnaaneranut naleqqiullugu immikkut pisussaaffeqarneq, tak. § 22.</p> <p><i>Imm. 3.</i> Naalakkersuisut, Nunatta Katersugaasiviata Allagaateqarfiatalu inassuteqareerneratigut, illunik eqqissisimatitassanngortitsisarneq pillugu malittarisassiuussisinnaapput, eqqissisimatitsinermut piumasaqaataasussat ilanngullugit.</p> | <p>” <i>Imm. 2.</i> Illunik eqqissisimatitsineq immikkut pisussaaffinnik kinguneqassaaq, illut aserfallatsaaliorneqarnerannut aamma killilersuinernik sanaartorfigineqarsinnaanerannut atatillugu, tak. §§ 22 aamma 22 a.”</p> |
| <p>§ 20. § 19 malillugu tusarniaanermi tunngavissaqartumik paasinarsippat eqqissisimatitassanngortitsinissamik eqqarsaateqarneq imaluunniit eqqissimatitsinermik pioreersumik atuutsitsiinnarnissamik allannguinnissamilluunniit eqqarsaateqarneq, inuiaqatigiit ineriartortinneqarneranni, tak. § 3, ataatsimoornerusumik isiginnilluni pingaartittariaqartunut akerliusoq, Nunatta Katersugaasiviata Allagaateqarfiatalu suliaq Naalakkersuisunut aalajangiiffigisassanngorlugu saqqummiutissavaa. Naalakkersuisut aalajangiinnginneranni suliaq Kulturikkut kingornussat pillugit siunnersuisoqatigiinnut oqaaseqarfigeqqullugu saqqummiunneqassaaq. Kulturikkut kingornussat pillugit siunnersuisoqatigiinnut saqqummiussinermini, tamatumalu kingorna suliap Naalakkersuisunut ingerlateqqinnerani, Nunatta Katersugaasivia</p> | <p>5. § 20, imm. 2 imatut oqaasertalerneqassaaq:</p> <p>“ <i>Imm. 2.</i> Naalakkersuisut aalajangiigunik eqqissisimatitsinissamik imaluunniit eqqissisimatitsinermik ingerlatsiinnarnissamik imaluunniit allannguinnissamik, taava Naalakkersuisut § 22, imm. 1 aamma 22 a, imm. 2-mi aalajangersakkanik saneqqutsisinnaassapput.”</p> |

| | |
|---|--|
| <p>Allagaateqarfialu, eqqissimatitassanngortitsinissap aalajangiiffiginissaanut aamma Naalackersuisut eqqissimatitsiniaratik imaluunniit eqqissimatitsinermik pioreersumik allannguinnissamik atorunnaarsitsinissamilluunniit aalajangiissagaluarpata, illup illersorneqarsinnaasumik uppersaasersorneqarnissaa qularnaarumallugu iliuuserisassat pisariaqartut pillugit inassuteqaateqassaaq. <i>Imm. 2.</i> Naalackersuisut eqqissimatitsinissamik imaluunniit eqqissimatitsinermik pioreersumik atuutsitsiinnarnissamik allannguinnissamilluunniit aalajangiissagaluarunik, Naalackersuisut malittarisassanik § 22, imm. 1-imiittunik sanioqqutitsinnaapput.</p> | |
| <p>§ 22. Illu eqqissimatitaq piginnittunit isumannaatsumik aserfallatsaalineqassaaq eqqissimatitassanngortitsinermut naapertuuttumik. Nalinginnaasumik aserfallatsaaliuineq pissaaq atortussat, periutsit qalipaattillu maannamut atorneqartut atorlugit, illullu eqqissimatitassanngortitaasimasup eqqissimatitassanngortitsinerup nalaani qanoq issusia isikkualu naapertorlugit. Nunatta Katersugaasiviata Allagaateqarfialu immikkut pissutsit taamaaliornissaaq taperserpassuk, atortussat, periutsit qalipaattillu maannamut atorneqartut atornissaannik piunnaasaaq sanioqqussinnaavaa. <i>Imm. 2.</i> Illumi eqqissimatitassanngortitami sanaartorerit tamarmik Nunatta Katersugaasivianit Allagaateqarfianillu akuerineqaaqqaassapput, suliaq illup ilaanut eqqissimatitassanngortitsinermi</p> | <p>6. § 22, imm. 1 aamma 2 imatut oqaasertalerneqassapput: ” Illunik eqqissimatitaasunik piginnittut taanna isumannaatsumik pitsaassuseqartissavaat, eqqissimatitanaanera eqqarsaatigalugu. Nalinginnaasumik aserfallatsaaliuineq pisassaaq atortussat atorneqareersimasut assingi, periaatsit aamma qalipaattit maannamutut ittut atorlugit. <i>imm. 2.</i> Nunatta Katersugaasiviata Allagaateqarfialu tamatumunnga immikkut pissutissaqartillugu akuersissutigisinnaavaa atortussanik, periaatsinik aamma maannamut qalipaattit atorneqarsimasut assinginik atuinissamik saneqqutitsinnaaneq.</p> |

| | |
|--|--|
| <p>pineqartunut ilaappat, aammalu suliaq nalinginnaasumik aserfallatsaaliinermut annertuneruppat. Nunatta Katersugaasivia Allagaateqarfialu akuersissummut atasumik piunasaqaateqarsinnaavoq.</p> <p><i>Imm. 3.</i> Qinnuteqartoqareerneratigut Nunatta Katersugaasivia Allagaateqarfialu aalajangersinnaavoq illumi eqqissisimatitassanngortitami aserfallatsaaliuinnermut imaluunniit sanaartornermut aningaasartuutit aningaasanut inatsimmi aningaasaliissutit iluannit tamakkiisumik ilaannakortumilluunniit aningaasartuutigineqassasut.</p> | |
| | <p>7. § 22 -ip kingorna ikkunneqassaaq: ” § 22 a. Sanaartornikkut suliaq tamarmik illut eqqissisimatitaasut pillugit Nunatta Katersugaasivianit Allagaateqarfianillu akuersissummik piunasaqaateqarfiupput, suliaq illup eqqissisimatitaasup ilaaniippata, aamma suliaq nalinginnaasumik aserfallatsaaliinerup avataaniippata. Nunatta Katersugaasivia Allagaateqarfialu akuersissummut tunngatillugu atugassarititaasunik ilanngussisinnaavoq.</p> <p><i>Imm. 2.</i> Sanaartornikkut suliaq sanaartukkanik eqqissisimatitanillu immikkut ilisimasalinnit misilittagalinnillu suliarineqartassapput, ajornanngippallu illup sanaartugartaasa ilaanik taarsiinani.</p> <p><i>Imm. 3.</i> Naalakkersuisut sanaartukkanik suliaqarneq pillugu erseqqinnerusunik maleruagassiussapput.”</p> |
| <p>.</p> | <p>8. § 24 -ip kingorna ikkunneqassaaq: ”§ 24 a. Sumiiffinni eqqissisimatitaasuni imaluunniit allatigut kulturikkut eriagisassanik kulturikkut kingornussatut illersugaasuni, tak. § 24, imm. 1, ingerlatat kulturikkut kingornussanut annertuumik sunniuteqarsinnaasutut isigineqartut aatsaat</p> |

| | |
|--|--|
| | <p>aallartinneqarsinnaapput kulturikkut kingornussanut sunniutissaat nalilersorneqareerpata, tamannalu pillugu nassuiaasiaq Naalackersuisunit akuerineqareerpat.</p> <p><i>Imm. 2.</i> Pisussaaffik imm. 1 naapertorlugu atuuppoq nalunaartussaannermut piffissaliussamut, tak. § 25, imm. 3, aamma pisuni isumaliutigineqarpat kulturikkut eqqissimatitsinissaq imaluunniit allatigut kulturikkut kingornussanik illersuinermik aaqquussinissaq, aamma pisuni immikkut akuersissuteqarnissamik siunnerfeqartumik suliaqartoqartillugu, tak. § 24, imm. 3, oqaaseqatigiit aappaat aamma § 24, imm. 4, oqaaseqatigiit aappaat.</p> <p>Pisuni taamaattuni taamaattoq pisussaaffik atuuttanngilaq ingerlatsinissamik kissaatigisat misissueqqaarnissamut, ujarlernissamut imaluunnit aatsitassanik iluaquteqarnissamut akuersissummik tunineqareersimatillugit, kiisalu aamma erngup nukinga iluaqutigalugu nukissiorfiliornissamut tamatumunngalu atatillugu misissuinissanut atatillugu.</p> <p><i>Imm. 3.</i> Pineqartoq kissaateqartoq ingerlatassanik pilersitsisoqarnissaanik akisussaavoq nalilersuinermik suliaqarnissamut, nalunaarusiornissamut aamma taassuma Naalackersuisunut nassiunneqarnissaanut.</p> <p><i>Imm. 4.</i> Naalackersuisut ersarinnerusunik inatsisiliussapput kulturikkut kingornussanut sunniutaasartut nalilersorneqartarneri pillugit, kiisalu kulturikkut kingornussanut tunngatillugu nalunaarusiamik suliaqartarneq akuersissuteqartarnerlu pillugit, tak. imm. 1, tamatumani aamma tunngaviusussanik nalilersuisoqarnissaanik aalajangiiniarnermi, aamma paasissutissat nalilersuinermi katersorneqartartussat</p> |
|--|--|

| | |
|--|---|
| <p>§ 29. Naalackersuisut Kultureqarnermut ilaasortaata Kulturikkut kingornussat pillugit siunnersuisoqatigiit 3-nik ilaasortallit pilersissavai, illussanik ilusilersuineranut, qanganisarsiornermut kulturikkullu oqaluttuarisaanermut ilisimasaqartunit inuttaqartussat. Kulturikkut kingornussat pillugit siunnersuisoqatigiit ukiut sisamakkaarlugit toqqarneqartassapput.</p> <p><i>Imm. 2.</i> Kulturikkut kingornussat pillugit siunnersuisoqatigiit eqqissisimatitassanngortitsinissamik allatullu kulturikkut kingornussatut illersorneqartussanngortitsinissamik suliat pillugit inassuteqaateqartassapput, § 22, imm. 2-lu malillugu akuersissutinut atatillugu tusarniarneqartassallutik. Taakku saniatigut illunik eqqissisimatitassanngortitsiniarnermi sumiiffinnillu kulturikkut oqaluttuarisaanermi pingaaruteqartunik eqqissisimatitassanngortitsiniarnermi allatulluunniit kulturikkut kingornussatut illersugassanngortitsiniarnermi pineqartunullu attuumassuteqartuni siunnersuisutut inissisimassallutik.</p> <p><i>Imm. 3.</i> Kulturikkut kingornussat pillugit siunnersuisoqatigiinnut Nunatta Katersugaasivia Allagaateqarfialu allatseqartitsissaaq</p> | <p>pillugit.”</p> <p>9. § 29, imm. 2, oqaaseqatigiit siulleggimatut oqaasertalerneqassaaq: ”Kulturikkut kingornussanut siunnersuisoqatigiit suliani eqqissisimatitsinissanut aamma suliani allatigut kulturikkut eriagisassanik illersuineq pillugu inassuteqaateqartassapput, aamma tusarniarneqartassapput § 22 a, imm. 1 naapertorlugu akuersissutinut tunngatillugu.”</p> |
| <p>§ 32. Akiliisussanngortitsisoqarsinnaavoq § 6, imm. 1-3, § 7, imm. 4, § 9, imm. 2, § 11, imm. 2-4, § 16, oqaaseqatigiit siulleggimatut, § 19, imm. 3, § 21, imm. 3, § 22, imm. 1 aamma 2, § 24, imm. 3 aamma 4, § 25, imm. 3, § 27, imm. 2 unioqquatinneqarpata aamma malittarisassat piumasaaqatillu § 3, imm. 3, § 5, imm. 3, § 18, imm. 3, § 19, imm. 4 aamma § 24, imm. 5 naapertorlugit aalajangersakkat unioqquatinneqarpata.</p> | <p>10. § 32, imm. 1 imatut oqaasertalerneqassaaq: “Unioqquatsinerit ukuninnga, § 6, imm. 1-4, § 7, imm. 4, § 9, imm. 2, § 11, imm. 2-4, § 16, oqaaseqatigiit siulliit, § 19, imm. 3, § 21, imm. 3, § 22, imm. 1, § 22 a, imm. 1 aamma 2, § 24, imm. 3 aamma 4, § 24 a, imm. 1, § 25, imm. 3, § 27, imm. 2 aamma malittarisassat atugassarititaasullu ukuninnga tunngavillit § 3, imm. 3, § 5, imm. 3-4, § 6, imm. 5, § 18, imm. 3, § 19,</p> |

| | |
|---|---|
| <p><i>Imm. 2.</i> Inatsisartut inatsisaat imaluunniit peqqussutit Inatsisartut inatsisaat tunngavigalugu atuuttuulersinneqartut akiliisitsinissamik pisinnaatitsippata, akiliisitsinikkut akiligassaq inummut inatsisitigut akisussaasumut Kalaallit Nunaanni pinerluttaalisitsinermi inatsit naapertorlugu akiligassanngortinneqarsinnaavoq.</p> <p><i>Imm. 3.</i> Unioqqutitsinikkut iluanaarutit arsaarinnissutigineqanngippata, akiligassiissutip annertussusilerneqarnerani iluanaarutaasimasut annertussusaat immikkut naatsorsuutigineqassapput.</p> <p><i>Imm. 4.</i> Akiliisussanngortitsineq aamma arsaarinninneq Nunatta karsianut iluaqutaasussanngorlugit pissapput.</p> | <p>imm. 4, § 22 a, imm. 3, § 24, imm. 5 aamma § 24 a, imm. 3. Kalaallit Nunaanni pinerluttulerinermik inatsit naapertorlugu akiliisussanngortinneqarnermik kinguneqarsinnaapput”</p> |
| | <p style="text-align: center;">§ 2</p> <p>Inatsisartut inatsisaat una atortuulerpoq ulloq 1. januar 2019.</p> <p><i>Imm. 2.</i> § 1 nr. 7 aamma 8 atortuulissaaq ulloq 1. juli 2019.</p> |

3. Aningaasaqarnikkut allaffissornikkullu pisortanut kingunerisassai

Naatsorsuutigineqarpoq siunnersuut aningaasaqarnikkut aamma allaffissornikkut pisortanit ilaatigut kinguneqassasoq.

Naatsorsuutigineqarpoq piumasaqaat kulturikkut kingornussanut sunniutaasussanik nalilersuisalernissamik kinguneqassasoq allaffissornikkut nukinnik atuisoqartariaqartarnissaanik, Naalakkersuisunut nassuiaasiamik akuerineqartussamik saqqummiunneqartumik nalilersuinerit atatillugu. Tamannali imatut annertussuseqartussat naatsorsuutigineqanngilaq, ilassutitut aningaasaliisoqarnissaanik pisariaqartitsinermik kinguneqartussat. Taamatut naliliineq pissutsinik arlariinnik tunngaveqarpoq. Siullermik, taamaallaat pisuni ingerlatsinerneq sumiiffimmi kulturikkut kingornussanut malunnaatilimmik sunniuteqartussat nalilerneqartuni, nalilersuinerit ingerlaneqartassammata. Taamaasilluni naatsorsuutigineqarpoq nalilersuinerit suliarineqartartussat killeqassasut. Aappaattullu nalilerneqarluni suliassat nalilersuinerneq sammineqartussat aamma killeqartuussasut. Tamanna tunngavilimmik nassuiaasiaq suliarineqartassammat aalajangersakkat tamanna pillugu Naalakkersuisunit suliassat naapertorlugit, siunnersuutigineqartoq § 24 a, imm. 4, naapertorlugu.

Pisortat namminneq ingerlatsinissamik kissaateqartuusimatillugit, taava pisortat taakkua akisussaassapput nalilersuineramik suliaqartoqarnissaanut, nassuiaasiornissamullu, taassumalu Naalackersuisunut nassiuuneqarnissaanut. Taamaattoqarpat tamanna allaffissornikkut aamma aningaasaqarnikkut kinguneqassaaq pisortatut oqartussaasunut pineqartunut, allaffissornikkut misissuineramik ingerlatsisuusunut. Tamatuma qanoq annertutiginissaanut pissutsit arlaqartut aalajangiisuussapput, misissuineq qanoq ittoq pisariaqartinneqarnersoq, atortussallu qanoq ittut uppernarsaasersorneqartussaasersut. Naalackersuisut siunnersuummi § 24 a, imm. 3 naapertorlugu ersarinnerusunik inatsisiliortussaapput, aammalu nalilersuisussaassallutik kulturikkut kingornussanut qanoq ittutigit sunniuteqartussaassanersoq, kiisalu suliarissallugu akuerissallugulu nassuiaasiaq kulturikkut kingornussanut sunniutaasut pillugit. Tamatumani ilaassapput tunngaviusussat atorneqartussat misissuisoqassanersoq pillugu, nalilersuinermilu atortussat qanoq ittut katersorneqassanersut. Aningaasaqarnikkut aamma allaffissornikkut kingunerisassai taamaasillutik tunngaveqassapput Naalackersuisut aalajangersakkami pineqartumi qanoq ittunik aalajangersaasimanerannik. Kulturikkut kingornussanut sunniutaasussat pillugit nalilersuineq, pissutsit qanoq ittueneri apeqqutaallutik suliarineqarsinnaassaaq aningaasartuutit 20-100.000 kr.-it iluanni. Isiginiaraannilu nalilersuinerit taamaattut arlaliunngitsut suliarineqartartussaassasut, taava tamanna ilassutitut aningaasaliissuteqarnissanik pisariaqartitsiviussanngilaq.

4. Inuussutissarsiortunut aningaasaqarnikkut allaffissornikkullu kingunerisassai

Naatsorsuutigineqarpoq kulturikkut kingornussanut sunniutaasussanik nalilersuisarnerit ingerlatsiniarlutik qinnuteqartut misissuiffigineqartarnerisa annertussusaat.

Naatsorsuutigineqartut qanoq annertutigisinnaanerinit tunngatillugu aningaasaqarnikkut allaffissornikkullu pisortanut kingunerisassaanut immikkoortumi oqaaseqaatit innersuunneqassapput.

5. Avatangiisinut, pinngortitamut innuttaasullu peqqissusiannut kingunerisassai

Kulturikkut kingornussanut sunniutaasunik nalilersuisoqartarnissaanik piumasaaqateqarneq naatsorsuutigineqarpoq kulturikkut kingornussanut sunniutaasunut iluaqutissartaqassasoq, eqqissisimatitsinissamik imaluunniit kulturikkut kingornussanut allatigit illersuineramik aaqqissuussinissanut tunngatillugu. Pingaarnertut naatsorsuutigineqarpoq nassuiaasiortoqartarnissaanik piumasaaqateqarnikkut kulturikkut kingornussanut pitsaanngitsunik sunniutaasinnaasut eqqumaffigineqarnerusalissasut, tamatumalu kingunerisaanik illersuineq annertunerulissalluni.

Tamatuma saniatigit naatsorsuutaanngilaq siunnersuut avatangiisinut, pinngortitamut innuttaasullu peqqissusiannut sunniuteqassasoq.

6. Innuttaasunut kingunerisassai

Siunnersuut imaqarpoq erseqqissaammik illumik eqqissisimatitaasumik piginnittup pisussaaffinik. Taamaasilluni erseqqissarneqarpoq akisussaaffik illumik

eqqissimatitaasumik aserfallatsaaliinissamik piginnittup pisussaaffigaa,
erseqqissarneqarporlu sanaartukkanik suliaqarneq qanoq suliarineqassanersoq.

Tamatuma saniatigut naatsorsuutigineqanngilaq siunnersuut innuttaasunut kinguneqassasoq.

7. Allatigut pingaarutilinnik kingunerisassai

Naatsorsuutigineqanngilaq siunnersuut allatigut pingaarutilinnik kinguneqartussatut.

8. Pisortanik aamma kattuffinnik il. il. tusarniaaneq

Siunnersuut piffissami 17. november-imiit 22. december 2017-imi, tamanut takusassiarineqarsimavoq pisortat tusarniaasarnermut quppersagaanni, kiisalu aamma makkununga tusarniaavigineqartartunut tusarniaassutigineqarsimavoq:

Naalackersuisut Siulittaasuata Naalackersuisoqarfia, Peqqissutsimut Naalackersuisoqarfik, Aningaasaqarnermut Akileraartarnermullu Naalackersuisoqarfik, Aatsitassanut Ikummatissanullu Naalackersuisoqarfik, Aalisarnermut Piniarnermullu Naalackersuisoqarfik, Inuussutissarsiornermut, Suliffeqarnermut, Niuernermit Nukissiuuteqarnermullu Naalackersuisoqarfik, Namminersornermut, Nunanut Allanut Nunalerinerimullu Naalackersuisoqarfik, Isumaginninnermut, Ilaqutariinnut, Naligiissitaanermut Inatsisinillu Atortitsinerimut Naalackersuisoqarfik, Pinngortitamut Avatangiisinullu Naalackersuisoqarfik, Kommuninut, Nunaqarfinnut, Isorliunerusunut, Attaveqaqatigiinnermut Ineqarnermullu Naalackersuisoqarfik, Nunatta Katersugaasivia Allagaateqarfialu, NUKAKA, Katersugaasiveqarnermut Ataatsimiititaliaq, KANUKOKA, KANUNUPE, Qaasuitsup Kommunia, Qeqqata Kommunia, Kommuneqarfik Sermersooq, Kommune Kujalleq, Sulisitsisut, Biskoppeqarfik, NUSUKA, KNAPK, SIK, Ilisimatusarfik, Nunatta Atuagaateqarfia, NAPA, Katuaq aamma Taseralik.

Tusarniaanermi akissutinik tigusaqartoqarpoq ukunanga; Naalackersuisut Siulittaasuata Naalackersuisoqarfia, Aningaasaqarnermut Naalackersuisoqarfik, Kommuninut, Nunaqarfinnut, Isorliunerusunut, Attaveqaqatigiinnermut Ineqarnermullu Naalackersuisoqarfik, Aalisarnermut Piniarnermullu Naalackersuisoqarfik, Aatsitassanut Ikummatissanullu Naalackersuisoqarfik, Pinngortitamut Avatangiisinullu Naalackersuisoqarfik, Sulisitsisut, Ilisimatusarfik, Naalackersuisut Siulittaasuata Naalackersuisoqarfia, Ummannami Katersugaasivik, Nunatta Katersugaasivia Allagaateqarfialu, Pinngortitamut Avatangiisinullu Naalackersuisoqarfik, KANUKOKA, Kommune Kujalleq aamma Qeqqata Kommunia.

Tusarniaanermi akissutaasut siunnersuummi ataasiakkaatigut allannguissamut pissutissaqartitsisimapput. Oqaasertaliineq “nunatut allanngutsaaliugaasutut inissisimasoq” allanngortinneqarpoq imaalillugu ” Nuna Allanngutsaaliugaasoq, Biosfæreqarfik Kalaallit Nunaata Avannaani aamma Kangiani”. Siunnersuutip siullermik § 1, nr. 4 aamma 5 taakkunungalu oqaaseqaataasut peerneqarput, siunnerfigalugu ersarinnerusumik misissuinissat, eqqissimatitsisarnermi aqqissuussineq qanoq ittoq

pissusissamisoornerusutut siumut sammisumik isigineqassanersoq, Nunami eqqissisimatitaasumi, Biosfæreqarfiusumi Kalaallit Nunaata Avannaani aamma Kangiani.

Kiisalu aamma siunnersuummi § 1, nr. 6-imi ilanngunneqarpoq erseqqissaat illuutunik eqqissisimatitaasunik aserfallatsaaliisarneq pillugu aalajangersagaq. Taamaasilluni inatsimmi oqaasertani erseqqissarneqarpoq illumik eqqissisimatitaasumik piginnittoq taannaasoq aserfallatsaaliinermi akisussaasoq.

Siunnersuutip § 1, nr. 8-aa allanngortinneqarpoq. Aalajangersakkami erseqqissaammik ilanngussisoqarpoq qaqugumiit pisussaaffik atuuttussaansoq, sumiiffimmik eqqissisimatitsinissamik imaluunniit allatigut kulturikkut eriagisassanik illersuineramik pilersitsisoqarpat atortuussanersoq eqqarsaatigalugu. Aalajangersagarlu inatsisunik atortitsinermi paasiuminernerutikkumallugu immikkoortunut arlalinnut uniffilikkanut immikkoortitserneqarpoq. Tamatumalu kinguneraa siunnersuummi § 1, nr.10-ip aamma allannguuteqarnera.

Kiisalu aamma sanioqqutsisinnaanermut aalajangersakkamik § 1, nr. 8-mi ilanngussisoqarpoq, eqqissisimatitsinissamik imaluunniit allatigut kulturikkut kingornussanik illersuinissamik aalajangiisooqarnissaa isumaliutaasimatillugu, immikkut akuersissuteqarnissamut suliamik suliaqartoqartarneranut atasumik. Pisuni taamaattuni pisussaaffik taanna atortinneqartussaannilaq, ingerlatassamik kissaateqartoq misissueqqaarnissanut, ujarlernissamut imaluunniit aatsitassanik, sermimik aamma imermik iluaquteqarnissamut akuersissuteqarfigineqareersimatillugu, kiisalu aamma erngup nukinganik iluaquteqarluni nukissiorfimmik pilersitsisoqalernerani, tamatumunngalu atatillugu misissuineramik ingerlatsisarnerni.

Siunnersuutip inatsisitigut teknikkimut tunngasunik misissorneqarnerata kingunerisaanik assigiissaagaasunik iluarsissuteqartoqarpoq Inatsisartut inatsisaanni § 18, imm. 2-mi, § 20, imm. 2-mi aamma § 29, imm. 2-mi. Kiisalu siunnersuummi § 22 a, imm. 2 allanngortinneqarpoq, taamaasilluni oqaaseqatigiit 2.-4. aalajangersakkami peerneqarput. Saniatigullu Naalakkersuisut sanaartukkanik suliaqarneq pillugu erseqqinnerusunik maleruagassiornissaat aalajangersakkamut ilanngunneqarpoq.

§ 22 a, imm. 2-mik allannguinerup kinguneraa sanaartukkat suliarineqartartussaaneri inunnit immikkut piginnaanilinnit aamma misilittagalinnit sanaartornermi, aammalu ajornanngiffiini sanaartukkat pioreersut taarsinngikkaluarlugit suliaqarnertigut ingerlanneqartartunik.

Kiisalu § 22 a aamma § 24 a-p atortuulorfissaa ullulernerneqarpoq 1. juli 2019-imut, §22 a, imm. 3 aamma § 24 a, imm. 4 naapertorlugu malittarisassiornissamut piffissaqartoqarnissaa qularnaarumallugu.

| Nr. | Tusarniaaviusut | Oqaaseqaatit | Oqaaseqaatit isummorsor- |
|-----|-----------------|--------------|--------------------------|
|-----|-----------------|--------------|--------------------------|

| | | | figineqarneri |
|------------|---|---|---|
| 1. | Aningaasaqarnermut Naalakkersuisoqarfik | Siunnersuummut oqaaseqaateqanngilaq. | Siunnersuummi allannguissamut pissutissaqartitsinngilaq. |
| 2. | Kommuninut, Nunaqarfinnut, Isorliunerusunut, Attaveqaqatigiinnermut Ineqarnermullu Naalakkersuisoqarfik | Siunnersuummut oqaaseqaateqanngilaq. | Siunnersuummi allannguissamut pissutissaqartitsinngilaq. |
| 3. | Aalisarnermut Piniarnermullu Naalakkersuisoqarfik | Siunnersuummut oqaaseqaateqanngilaq. | Siunnersuummi allannguissamut pissutissaqartitsinngilaq. |
| 4. | Sulisitsisut | Siunnersuummut oqaaseqaateqanngilaq. | Siunnersuummi allannguissamut pissutissaqartitsinngilaq. |
| 5. | Ilisimatusarfik | Siunnersuummut oqaaseqaateqanngilaq. | Siunnersuummi allannguissamut pissutissaqartitsinngilaq. |
| 6.1 | Naalakkersuisut Siulittaasuata Naalakkersuisoqarfia | Inatsisissatut siunnersuummut tunngaviliuttassaqqinngilaq “nunamut allanngutsaaliukkamut nalunaarummik nutarterinissamik eqqarsaatit”. | Siunnersuummi allannguissamut pissutissaqartitsinngilaq, kisiannili oqaaseqaatini iluarsiiisuteqarnissamut. |
| 6.2 | Naalakkersuisut Siulittaasuata Naalakkersuisoqarfia | Nuna Allanngutsaaliugaq Kalaallit Nunaata Avannaani aamma Kangiani nunatut Biosfæreqarfiusut eqqissimatitatut aalajangiussaavoq, UNESCO-ip aaqqissuussinerani <i>Man and Biosphere program</i> -imik taaguuteqartumi. Inassutigineqassaaq nuna eqqissimatitaasoq tamanna toqqaannartumik taaneqartassasoq, soorluttaaq inatsisini allani taamaaliortoqartoq. Assersuutitut takukkit pinerluttaalisitsinermut inatsit, pinngortitamik allanngutsaaliuinermut inatsit aamma Kalaallit Nunaata nunap | Siunnersuummi allannguissamut pissutissaqartitsinngilaq. Inatsisilerinermit allaffiup inatsimmik teknikkikkut sammisaqarnermini inassuteqarpoq oqaasertaliisoqassasoq imatut: ”Nuna Allanngutsaaliugaq, Biosfæreqarfiusoq Kalaallit Nunaata Avannaani aamma Kangiani.” Siunnersuut allanngorlugu iluarsineqarpoq tamatumunnga naapertuuttumik. |

| | | | |
|----|--|--|---|
| | | <p>immikkoortuinut kommuneqarfinnullu aggorneqarnera pillugu Inatsisartut inatsisaat.</p> <p>Taaguummumut “Nunatut allanngutsaaliukkatut” erseqqissaatitut oqaatigineqarsinnaavoq, Kalaallit Nunaata malimmagu IUCN-ip sumiiffinnik allanngutsaaliukkanik immikkoortiterinera.</p> <p>Tamatumunnga tunngatillugu annerusumik ilisimasassarsisoqarsinnaavoq IUCN-ip quppersagaani: https://www.iucn.org/theme/protected-areas/about/protected-area-categories.</p> <p>Kalaallit Nunaanni nunap immikkoortua allanngutsaaliugaasoq “nationalpark” taamatut inissisimavinnigilaq, kisiannili nunatut biosfæreqarfiusutut.</p> <p>Taamaattumik nuna tamanna allanngutsaaliugaasoq ingerlatsinermi ilaavoq UNESCO-mi Man and Biosphere program-imi. Kiisalu aamma Kalaallit Nunaanni nunap allanngutsaaliukkap imaaliinnarluni IUCN-imi taamaattunut aalajangersakkat naammassisinnaangilai.</p> | |
| 7. | Uummannami Katersugaasivik, Pisortaq Peter Kruse | <p>Pinngortitamik piujuannartitsineq isumamineertumik tamatumani ilaavoq.</p> <p>Kingulissagut aamma eqqarsaatigissavagut.</p> <p>Kingullarsuit inoqarfiit sinerissatsinni taaguutaat</p> | <p>Siunnersuummi allannguinnissamut pissutissaqartitsinngilaq.</p> <p>Siunnersuummi siunertaanngilaq sumiiffiit taaguutitoqaasa</p> |

| | | | |
|-----|---|--|---|
| | | <p>puigulerpaat. Utoqqaat kisimik aterpassuit tamakku ilisimalerpaat, soorlu nunaqarfimmiit nunaqarfimmut.</p> <p>Atuarfinni atuartut immaqaa taaguutit tamakkua inunnut utoqqaanerusunut ujartorsinnaavaat, saqqummerseqqikkumallugit.</p> <p>Aamma kulturimik ataavartitsiniarnerup ilagaa sulissutigissallugu sinerissami nuuk “Ikorfat” aamma “Agpat” piunnarnissaat.</p> | <p>qularnaarnissaat aqunnissaallu.</p> <p>Innersuunneqassaaq Nunat Aqqinik Aalajangiisartut pillugit Inatsisartut inatsisaat nr. 4, 1. juni 2017-imeersoq.</p> |
| 8.1 | Nunatta Katersugaasivia Allagaateqarfialu | <p>Nunatta Katersugaasivia Allagaateqarfialu erseqqissaajumavoq Nunami Allangutsaaliukkami arlalinnik sanaartukkanik peqarmat (illut) Illersornissaqarfimmut aamma Thule Air Base-mut atasunik, taamaattumillu taakkua nassinneqartartut allassimaffianni ilaasariaqarput.</p> <p>Illersornissaqarfik aamma Thule Air Base tamaani illuuteqarput ullumikkut atorneqanngitsunik, oqaaseqatigiinnillu ilanngussinikkut “Sumiiffiup nunatut allangutsaaliukkatut inissisimaneratigut illuutit qimatat tamarmik nunami allangutsaaliukkamiittut eqqissisimatitaapput” inatsisissamut siunnersuummi § 18, imm. 1-imi allassimasoq aamma isumaqassaaq § 22 atortuulissasoq illut taakkua aserfallatsaalineqarnerannut. Illersornissaqarfiup ullumikkut</p> | <p>Siunnersuummi allannguinnissamut pissutissaqartitsivoq.</p> <p>Siunnersuutaqqaartumi nr. 4 aamma 5 taakkununngalu oqaaseqaatit peerneqarnikuupput, misissorumallugu eqqissisimatitsinermik aaqqissuussineq qanoq ittoq Nunami Allangutsaaliugaasumi, Biosfæreqarfiusumi Kalaallit Nunaata Avannaani aamma Kangiani tulluarnernerunersoq, illuutit eqqarsaatigalugit.</p> |

| | | | |
|------------|--|--|---|
| | | <p>illuutitik pitsanngorsaavigisimavaat, illuaqqanik assigiissaakkanik taarsersorlugit Siriusikkut Nunami allanngutsaaliukkami atugaat, taamaattumillu illut arlalissuit atorneerussimallutik, Thule Air Base-lu aamma Danmarkshavn-ip avannaani Centrum SØ-p eqqaani illuuteqarluni.</p> | |
| 8.2 | <p>Nunatta Katersugaasivia Allagaateqarfialu</p> | <p>Suliami malittarisassat oqaasertaanik nunamiittut qangarnitsat eriagisassat kiisalu illuutit pillugit <i>Kalaallit Nunaata avannaarsuani kangianilu Nuna Allanngutsaaliugassatut Immikkoortitaq pillugu Namminersornerullutik Oqartussat nalunaarutaanni nr. 7, 17. juni 1992-imeersumi allassimasut inatsimmi atorneqarnissaat siunnerfigalugu eqqissisimatitsinermut aamma allatigut kulturikkut eriagi- sassanik illersuinernut atatillugu NKA-p allannguutissatut siunnersuut nassiunneqartoq naammaginartutut nalilerpaa.</i></p> | <p>Siunnersuummi allannguinnissamut pissutissaqartitsinngilaq.</p> |
| 8.3 | <p>Nunatta Katersugaasivia Allagaateqarfialu</p> | <p>Siunnersuutilli oqallisiginerani immikkoortoq sivisuumik uninngavigaarput, kisiannili aaqqiissutissamik qanillisaqarata: §18, imm. 1, oqaaseqatigiit aappaat: "...illuutit atoqqitassaangitsutut qimatat..." Nunatta sinnerani ajornartorsiutitut isigineq ajorparput illu qimanneqarsimasoq piginnittuminit, assersuutigalugu piginnittup nunaminertamik atuisinnaanermut akuersissutaa arsaarinnissutaasimagaangat.</p> | <p>Siunnersuummi allannguinnissamut pissutissaqartitsivoq.</p> <p>Kiisalu innersuunneqassapput tusarniaanermi akissutinut isummersuutit nr. 8.1-imut.</p> |

| | | | |
|----|---|---|--|
| | | <p>Nunami Allanngutsaaliugaasumi kommunit aggorneqarnerisa avataanni inissisimasumi nunaminertamik atuisinnaanermut akuersissuteqartoqartanngilaq, assullu takujuminaatsipparput qanoq illuutit atoqqitassaannngitsutut qimanneqarsimasutut taaneqarsinnaanersut.</p> | |
| 9. | <p>Pinngortitamut Avatangiisinullu Naalackersuisoqarfik</p> | <p>Naalackersuisoqarfiup tusarniaaneq qujassutigaa, oqaatigissallugulu Inatsisartut inatsisissaattut siunnersuut Eqqissisimatitsisarneq aamma allatigut kulturikkut eriaqisassanik kulturikkut kingornussatut illersuineq pillugu siunnersuummi taaguut atorineqarmat “sumiiffik nunatut allanngutsaaliukkatut inissisimasoq”. Tamatumunnga atatillugu Pinngortitamut Avatangiisinullu Naalackersuisoqarfiup erseqqissarumavaa sumiiffik ataasiinnaammat Kalaallit Nunaanni nunatut allanngutsaaliukkatut akuerisaasoq, tassalu nuna eqqissisimatitaasoq Kalaallit Nunaata Avannaani Kangianilu. Tamatuma saniatigut eqqaaneqassaaq sumiiffik aamma akuerisaammat UNESCO-mit Biosfæreqarfiusutut, aaqqissuussinerup Man and the Biosphere (MAB) iluani.</p> <p>Pinngortitamut Avatangiisinullu Naalackersuisoqarfiup inassutigaa taaguutaasoq</p> | <p>Siunnersuummi allannguinissamut pissutissaqartitsivoq.</p> <p>Ilanngullugulu innersuunneqassapput tusarniaanermut oqaaseqaatit isummersorfigineqarneri nr. 6.2-mut atatillugu</p> |

| | | | |
|-------------|-----------------|--|--|
| | | <p>allanngortinneqassasoq “sumiiffik nunatut eqqissisimatitaasutut taaguuteqartumiit”, ”Nuna Eqqissisimatitaasoq /Biosfæreqarfiusoq, Kalaallit Nunaata Avannaani Kangianilu” taaguutaalersillugu.</p> | |
| 10.1 | KANUKOKA | <p>KANUKOKA naatsorsuutigaa kommunit matussuserneqassasut ilassutitut aningaasartuutaannut inatsisip kingunerisaani.</p> | <p>Siunnersuummi allannguissamat pissutissaqartitsinngilaq.</p> <p>Naatsorsuutigineqanngilaq siunnersuut ilassutitut aningaasartuutunik kinguneqassasoq kommuninut, imatut annertussuseqartunik taartaasussanik akiliuteqarnissamik pisariaqartitsiviulersussamik. Ilanngullugulu innersuunneqassapput immikkoortoq aningaasaqarnikkut allaffissornikkullu pisortanut kingunerisassai pillugit oqaaseqaatit.</p> |
| 10.2 | KANUKOKA | <p>Tamatuma saniatigut KANUKOKA-p oqaatigaa inatsisissatut siunnersuummi nr. 7 (§ 22 a) ersernerluttoq qanoq kinguneqartussaannersoq, atortussat assinginik peqarunnaarsimappat pioreersut taartissaannik. Isumaliutigineqarsinnaavoq immikkut akuersissuteqarsinnaanermut periarfissamik ilanngussisoqarsinnaanera, nr. 6-imi (§ 22) siunnersuutaasup assigisaanik.</p> | <p>Siunnersuummi allannguissamat pissutissaqartitsivoq.</p> <p>Kiisalu siunnersuummi § 22 a, imm. 2 allanngortinneqarpoq taamaasilluni oqaaseqatigiit 2.-4. aalajangersakkami peerneqarput. Saniatigullu aalajangersakkamat ilanngunneqarpoq Naalakkersuisut sanaartukkanik suliaqarneq pillugu erseqqinnerusunik maleruagassiornissamat aamma pisussaaffilerneqarput.</p> |

| | | | |
|-------------|------------------|--|---|
| 10.3 | KANUKOKA | Kiisalu KANUKOKA-p inassutigaa § 22-p aamma § 22 a-p akornanni killiliineq ersarinnerusumik allaaserineqassasoq. | Siunnersuummi allannguissamut pissutissaqartitsinngilaq. § 22-mi pineqarput sanaartukkat eqqissisimatitat aserfallatsaalineqartarneri, § 22 a-mili pineqarlutik sanaartornerit. |
| 10.4 | KANUKOKA | Kiisalu ersarinngilaq sooq § 22-mik unioqqutitsinermi akiliisitsisoqarsinnaanersoq, kisiannili § 22 a-mi taamaannani. | Siunnersuummi allannguissamut pissutissaqartitsivoq. Siunnerfiusimanngilaq § 22 a-mik unioqqutitsinerne pineqaattissiisoqarsinnaannginnissaa. Taamaattumik § 22 a pineqaattissiisinaanernut aalajangersakkanut ilanngunneqarpoq. |
| 11.1 | Kommune Kujalleq | Piffissaliussap sivikippallaarnerata kingunerisaanik inatsisissatut siunnersuut politikikkut suliarineqarsinnaasimanngilaq, taamaattumillu tusarniaanermi akissut taamaallaat allaffissornikkut suliaavoq. | Siunnersuummi allannguissamut pissutissaqartitsinngilaq. Siunnersuut tusarniaassutigineqarpoq piffissami 17. november - 22. December 2017. Taamalu siunnersuut sap. ak. 5-ini tusarniaassutigineqarluni. |
| 11.2 | Kommune Kujalleq | Allaffissortut isumaqarput suliassat pingaarnersarigaat kommunimi nunarsuarmit kingornussaasa inissisimasut paarilluarneqarnissaat suliassaasoq pingaartoq, aammalu kulturikkut kingornussat illersorneqartussaasut, taamaasilluni Kujataa issittumi kiannerulaartortami nunalerinermik ingerlatsinerup suli ingerlaavartumik ineriartortinneqarsinnaanera periarfissaassamat oqaluttuarineqarsinnaallunilu. | Siunnersuummi allannguissamut pissutissaqartitsinngilaq. Kalaallit Nunaata Kujataani Qassiarsuup, Igalikup, Sissarluttup, Tasikuluullip aamma Qaqortukuloq-Upernaviarsuup eqqaanni nunaminertani killilinni kulturikkut oqaluttuarisaanermut ilaasumi allatigut kulturikkut eriagisassat pillugit Namminersorlutik Oqartussat nalunaarutaat nr. 16, 5. juuli |

| | | | |
|-------------|------------------|---|---|
| | | | 2016-imeersumi pineqartut pillugit malittarisassat aalajangersagaapput. |
| 11.3 | Kommune Kujalleq | Allaffissortut ajunngitsumik isumaqarfigaat inatsisissatut siunnersuummi pineqartoq HIA-mik suliaqartarnissaq, nukittorsaataasumik kulturikkut pinngortitamilu kingornussanik illersuinermut piujuaannartitsinermullu tunngatillugu, torrallatamik inatsisiliornikkut aaqqissuussinikkut. Tamatumani naatsorsuutaassaaq HIA peqataassasoq pitsaanerusunik aalajangiisarsinnaanernut, kulturikkut eriagisassanik illersuinermut atatillugu, aalajangiisoqartinnagulu tamanut ammasumik tusarniaasoqqaartariaqarluni. | Siunnersuummi allannguinnessamut pissutissaqartitsinngilaq. |
| 11.4 | Kommune Kujalleq | Allaffissortut naliliipput § 22-mi amigartumik allaaserinnittoqartoq “aserfallatsaaliinermik” sanaartukkanik (§22 a). §§-ini 22 aamma 22 a-mi aningaasartuutitigut kingunerisinnaasat annertoorujussuusinnaammata kommunit sanaartugaataannut, tamanna aningaasartuutitut matussusiisarnermik kinguneqartariaqarpoq. | Siunnersuummi allannguinnessamut pissutissaqartitsinngilaq. Tassani taamaallaat pineqarpoq itisilerineq erseqqissaanerlu aalajangersakkamik atuuttumik § 22-mi. Allanguinerit kommunit sanaartugaataannut aningaasaqarnikkut kinguneqarnissaat naatsorsuutigineqanngilaq. |
| 11.5 | Kommune Kujalleq | Nalunaarneqarpoq HIA-mik suliaqarnerup allaffissornikkut misissuinerit annertunerulersittussaagaat. Nalunaarusiorneq suliarineqartussaavoq ingerlatsinissamik kissaateqartunit, taakkua akisussaaffigimmassuk | Siunnersuummi allannguinnessamut pissutissaqartitsinngilaq. Naatsorsuutigineqanngilaq siunnersuut ilassutitut aningaasartuutunik kinguneqassasoq kommuninut, |

| | | | |
|-------------|------------------|--|--|
| | | <p>kingunerisassaasa qulaajaaviginissaat. Nalunaarneqanngillat suliat annertuseriaatissaattut naatsorsuutigisat, taamalu aamma HIA-mik suliaqarnermi aningaasatigut kingunerisassai, naatsorsuutigineqanngimmat misissuineq ima annertussuseqassasoq ilassutitut aningaasaliisoqarnissaanik pisariaqartitsisoqassalluni.</p> <p>Kisiannili naatsorsuutigisariaqassaaq HIA-mik suliaqarneq kommunimut siunnersortinik atuinermut annertuunik aningaasartuuteqartoqarsinnaanera, aamma HIA-mik suliaqarnermi paasissutissanik katersinernut, taamaattumillu inatsimmi aningaasartuutunik matussusiisoqarsinnaanera ilanngutillaqqunarluni.</p> | <p>imatut annertussuseqartunik taartaasussanik akiliuteqarnissamik pisariaqartitsiviulersussamik. Ilanngullugulu innersuunneqassapput immikkoortoq aningaasaqarnikkut allaffissornikkullu pisortanut kingunerisassai pillugit oqaaseqaatit.</p> |
| 11.6 | Kommune Kujalleq | <p>Kulturikkut eriagisassanik suliaqarnermi piumasaqaatit nutaajummata, kommuni isumaqarpoq pingaaruteqartoq Naalakkersuisoqarfiup periaasissanik ikiuussinnaasoq, taannalu imaqassasoq aaqqissuussanik kingunerisassat pillugit nalilersuisoqarsinnaaneranik, toqqaannartumik kulturikkut kingornussanut sunniutaasussat eqqarsaatigalugit. Kissaatiginassaaq ajornanngippat pikkorissaanernik ingerlatsisoqarsinnaanera / suleqatigiissitamik</p> | <p>Siunnersuummi allannguinnissamut pissutissaqartitsinngilaq.</p> <p>Malittarisassani § 24 a imm. 4 naapertorlugu suliarineqarumaartuni malittarisassiortoqarsinnaavoq assersuutigalugu periaasissanik ersarinnerusunillu piumasaqaatinik imarisassaanut tunngatillugu, ingerlatsinerup kulturikkut kingornussanut sunniutigisinnaasai eqqarsaatigalugit.</p> |

| | | | |
|-----|------------------|--|--|
| | | <p>pilersitsisoqarsinnaanera, tak. ICOMOS-ip ilitsersuusiai”Guidance on Heritage Impact Assessments for Cultural World Heritage Properties”, kommunimi sulisuusut piginnaasaannik qaffasinnerulersitsisinnaasunik, skemamik suliaqarsinnaanermut (Scoping report), qulaajaasinnaasumik HIA-mik suliaqartoqassanersoq.</p> | |
| 12. | Qeqqata Kommunia | <p>Qeqqata Kommunia Inatsisartut inatsisaannik allannguinnermut oqaaseqaatissaqanngilaq.</p> <p>Ilutigisaanik aamma oqaatigineqassaaq Qeqqata Kommuniata sulissutigimmagu pinngortitami aqqusinermik Sisimiut aamma Kangerlussuup akornanni pilersitsinissaq, sumiifillu tamaat misissuiffigisimallugu, aqqusinniorfissaq kulturikkut oqaluttuarisaanermut tunngasunik apeqqutini, Nunatta Katersugaasivia Allagaateqarfialu suleqatigalugu. Nunatta Katersugaasiviata Allagaateqarfiatalu nalunaarutigaa aqqusinniorfissatut kissaataasoq akornutissaqartinneqanngitsoq. Qeqqata Kommunia aamma qinnuteqarnikuuvoq UNESCO-mi nunarsuarmit kingornussaannut allasimaffiutaanut sumiiffiup Aasivissuit -Nipisat ilaaniittut nalunaarsorneqarnissaanik. Qeqqata Kommuniata paasissutissiisutit suliarilluakkat saqqummiussimavai, sumiifillu</p> | <p>Siunnersuummi allannguinnissamut pissutissaqartitsinngilaq.</p> |

| | | | |
|-------------|-------------------------------------|--|---|
| | | kulturikkut oqaluttuarisaanermi kingornussanut tunngasutigut misissuiffigisimallugu. | |
| 13.1 | Aatsitassanut Naalakkersuiso-qarfik | <p>Ad § 1, nr. 1</p> <p>Kissaatigineqarpoq ersarinnerusunik nassuiaaserneqassasut taaguutit “inussuk” aamma “inussuit pillugit oqaluttuat”, kissaatigisarlu taanna atuuppoq inatsiliornermut matumunnga atatillugu, aammali inatsisinut maanna atuuttuusunut atatillugu.</p> <p>Eqqissisimatitsinerit aalajangersimasut pineqartillugit nalunaarsorneqarsimanngitsut, pingaarpoq akuersissummik atuisinnaanermillu pigisaqartup sumiiffimmut aalajangersimasumut pineqartumut aamma piginnaatitaanernik taamaattunik qinnuteqartunut, periarfissaqarnissaq aalajangiutissallugu itsarnitsat suut eqqissisimatitsineri ilaanersut. Taamaattoqanngippat nalorninermik pilersitsisoqassaaq inatsisinik atortitsinermut atatillugu, ingerlatsiniarnermik akornusersuisinnaasumik, nalornineq aningaasaliiniartunut nalorninaatinik ilassutaasunik kinguneqassamat, isumaliutersuutini ilaasariaqartunik.</p> <p>Inussuit eqqarsaatigalugit tamakkua Eqqissisimatitsisarneq aamma allatigut kulturikkut eriagisassanik kulturikkut kingornussatut illersuineq pillugu Inatsisartut Inatsisaat nr. 11, 19. maj 2010-meersumi, UPA 2010, 6. april 2010-meersumi qup. 35-imi taaguummi “qangarnitsat eriagisassat imaaliallaannarlugit peerneqarsinnaanngitsut”-nut ilaapput, inuit pilersitaannut assigiinngitsunut atatillugu taaguutaasumi. Taaguut taanna attatiinnarniarneqarpa eqqissisimatitsisarneq annertusineqarpat inussunnut</p> | <p>Oqaaseqaatit pissutissaqartitsisimapput siunnersuummut oqaaseqaatini allannguinnissanik.</p> <p>Aallarniutigalugu ilisimatitsissutigineqassaaq “inussuit” aamma “inussuit pillugit oqaluttuat” aamma atorneqarmata Tunumi Nunami Allanngutsaaliukkami aqutsineri malittarisassani atuuttuni atorneqarmata, tassalu Kalaallit Nunaata avannaarsuani kangianilu Nuna Allanngutsaaliugassatut Immikkoortitaq pillugu Namminersorerullutik Oqartussat nalunaarutaat nr. 7, 17. juni 1992-imeersumi.</p> <p>Pineqarput ilisimaneqareersut taggisit, taamaattumillu pisariaqartinneqarani inatsimmi oqaasertani immikkut nassuiarneqarnissaat. Kisianni tusarniaanermi akissutaasup pissutissaqartissimavaa siunnersuummut oqaaseqaatini nalunaassallugu taaguutit taakkua marluk qanoq paasineqartussaannersut.</p> <p>Illumoorpoq inussuit ilaammata taaguummi “qanganitsat eriagisassat imaaliallaannaq nunamit peerneqarsinnaanngitsut”, inuit pilersitaannik tigussaasumik takussutissatut nassuiarneqartut. Tusarniaavigineqartup apeqqutigaa taaguut paasinninnermi atorneqartoq taanna aalajangiusimaneqarniarnersoq, eqqissisimatitsineq annertusineqarpat inussunnut</p> |

| | | | |
|------|--|---|--|
| | | <p>qanorluunniit nutaanngissusilinnut? Tamannalu taava isumaqarpa inunnit pilersitaarpasissut inussuit sinnikorisinnaasaat qanorluunniit ukiullit ingerlaannaq eqqissisimatitamut ilaasutut isigineqartassasut 100 meterinik kaajallallugu ungasissusilik ilanngullugu?</p> <p>Inussuit pillugit oqaluttuat eqqarsaatigalugit erseqqissartariaqarpoq sumi tamakkununnga paasissutissanik pissarsiortoqarsinnaanersoq. Qitiusumi nalunaarsuiffeqarpa, inussuit eqqissisimatitaaneri pillugit?</p> | <p>tamanut ukiui apeqqutaatinnagit. Tamatumunnga atatillugu oqaatigineqassaaq inatsisini atuuttunut naleqqiullugu annertusisitsinerunngimmat, § 16, imm. 2-mi aalajangersagaammat, nalunaarummi eqqaaneqareersumi Nunamut Allanngutsaaliukkamut atatillugu, eqqissisimatitani ilaasut inussuit aamma inussuit pillugit oqaluttuat ukiui suminngaaneernerilu apeqqutaatinnagit.</p> <p>Tusarniaavigineqartup ingerlaqqilluni nalunaarpaa erseqqissallaqqunartoq qanoq inussuit oqaluttuassartaat pillugit paasissutissanik ujarlertoqartarnersoq, apeqqutigalugulu qitiusumik nalunaarsuiffimmik peqarnersoq, inussuit oqaluttuassartaallu eqqissisimatitaanersut. Qitiusumik nalunaarsuiffeqanngilaq, kisianni Nunatta Katersugaasivia Allagaateqarfialu paasissutissiissutigisinnaavai inussuit pillugit oqaluttuat ilisimaneqartut. Nunamut Allanngutsaaliukkamut atatillugu tamanna pingaaruteqanngilaq, tassani inussuit pillugit oqaluttuat nassaasaasut tamarmik eqqissisimatitaammata ukiui apeqqutaatinnagit.</p> |
| 13.2 | | <p>Ad § 1, nr. 8 Paasinarpoq piumasaqaateqartoqarnera ingerlatat kulturikkut kingornussanut sunniutaannik nalilersuisoqartarnissaanik, ingerlatat pineqartut UNESCO-p</p> | <p>Oqaaseqaatit pissutissaqartitsisimapput siunnersuummi allannguuteqartitsinissamut. Eqqissisimatitsisarneq aamma allatigut kulturikkut eriagisassanik kulturikkut</p> |

| | | | |
|--|--|---|---|
| | | <p>nunarsuarmit kingornussaannut attuumassuteqartillugit, imaluunniit assingusunik illersuinissamik sumiiffimmi pisariaqartitsisoqartillugu. Kisiannili piumasaqaatit assingi atortinneqassappata ingerlatsinerni sumiiffinni annertunerusuni, taamatulli piujuaannartitsiniarnermik piumasaqarfiusariaqanngitsuni, taava tamanna Kalaallit Nunaanni aatsitassarsiornermik ingerlatsiniarnermut pitsaanngitsumik sunniuteqassaaq. Akuersissummik pigisaqartut aamma qinnuteqartut piginnaatitaanissamut pisariaqanngitsumik piffissamik akitsorsaanermillu atugassaqartinneqartassammata. Tamannalu akerliuvoq Naalakkersuisut anguniagaannut aatsitassarsiornernerup siuarsarneqarnissaanik, pisortallu pisussaaffilersuinerisa annikinnerulersinniarnissaanik.</p> <p>Tikkuarneqartariaqarpoq pineqartutut pisussaaffilersuinerup nalilersuisarnissanut sumiiffinni annerusuni, ingammik annikitsumik aatsitassarsiornissamut akuersissutillit eqqortussaammagit. Piumasaqaateqarnerup ingerlatsinerup sutigut kulturikkut kingornussanut aallartitsinnginnermi sunniuteqarnissaa pillugu nalilersuisoqartassasoq, ajornarluinnartunngortissavaa innuttaasunut ingerlatsinernik pineqartutut ittunik sumiiffinni pineqartumi ingerlatsisinnaaneq. Tamannalu atuuppoq apeqqutaanani piumasaqaatit suut aamma pitsaassusissaq qanoq ittoq tunngavigalugu nalilersuisoqassanersoq, inuit annikitsunik aatsitassarsiornissamut akuersissummik pigisaqartut ikittuinnarnik atugassaqartarmata.</p> <p>Taamaattumik Aatsitassanut</p> | <p>kingornussatut illersuineq pillugu inatsimmi illersueriaatsit assigiinngitsut marluk nassaassaapput, sumiiffinnut kulturikkut oqaluttuarisaanermut, eqqissisimatitsinermut aamma allatigut kulturikkut kingornussanik illersuinermut atatillugu.</p> <p>Illersuineq allatigut kulturikkut kingornussanik eqqunneqarpoq ilaatigut kulturikkut oqaluttuarisaanermi pigisat piujuaannartissallugit pissutissaqartut illersorumallugit, sumiiffiup pineqartup allanngutsaaliukkatut illersorneqartussatut mattunneqannginnissaanik siunnerfeqartumik.</p> <p>Taamaasillunilu siunertaasimalluni sumiiffimmi ineriartortitsinerup ingerlaannarsinnaanera, kulturikkut kingornussanut pigineqartunut ataqqinnittumik ingerlatsisoqarnissaa ataqqillugu. Tamannalu tassa atuuppoq sumiiffinnut nunarsuarmit kingornussaannut allassimaffimmut ilanngunneqarsimasunut, kisiannili aamma atuussinnaalluni pissusissamisoorumik kulturikkut oqaluttuarisaanermut attuumassutilinni allani. Pineqartunili taamaallaat kulturikkut kingornussanik illersuinermik nunarsuarmit kingornussaannut atatillugu aaqquussisoqarsimavoq.</p> <p>Sumiiffiit UNESCO-p nunarsuarmitunut</p> |
|--|--|---|---|

| | | | |
|--|--|--|--|
| | | <p>Naalackersuisoqarfiup tullitutq siunnersuutigissavaa:</p> <p>Taaguut "Silarsuarmiut immikkuullarissumik naleqartitaat" UNESCO-p ilitsersuutaani imatut oqaasertalerneqarsimavoq:</p> <p>Outstanding Universal Value means cultural and/or natural significance which is so exceptional as to transcend national boundaries and to be of common importance for present and future generations of all humanity.</p> <p>Taamaasilluni UNESCO-p tungaaniit siunnerfiuvoq taamaallaat sumiiffiit immikkuullarilluinnartumik inissisimasut immikkut illersuinermit ilaatinneqartassasut, soorlu nunarsuarmiut kingornussaattut UNESCO-mit nalunaarsorneqarsimasut. Aatsitassanut Naalackersuisoqarfik isumaqarpoq atsikkutigiissaagaasumik naliliinerussanngitsoq inatsisip siunertaanut sanilliullugu piumasaqaateqassalluni annertusisanik nalilersuinermit ingerlatsisoqartarnissaanik kulturikkut kingornussanut sunniutaasut eqqarsaatigalugit ICOMOS-ip malittarisassai naapertorlugit sumiiffinni UNESCO-p "Silarsuarmiut immikkuullarissumik naleqartitaat"-nik piumasaqaatinik naammassinniffiunngitsuni.</p> <p>Aatsitassanut Naalackersuisoqarfiup taamaattumik inassutigissavaa inatsimmut oqaaseqaatini erseqqissarneqassasoq nalilersuinissat taamaallaat piumasarineqartassasut kulturikkut kingornussanik nalilersuineq silarsuarmiut immikkuullarissumik nalilersuinerattut isigineqartussaattillugu. Immaqalu</p> | <p>kingornussanut nalunaarsuiffiani nalunaarsorneqarsimasut annerusumik illersugaanngillat allanut sumiiffinnut kulturikkut illersugassanut piujuaannartitsisarnermut inatsit naapertorlugu nalunaarsukkanut sanilliullugit.</p> <p>Illersueriaatsit marluk akornanni isiginninnerup saniatigut eqqissisimatitsisarneq aamma allatigut kulturikkut eriagisassanik kulturikkut kingornussatut illersuineq pillugu inatsit immikkoortitsinngilaq eqqissisimatitassatut isigineqartunik sumiiffinni assigiinngitsuni.</p> <p>Kiisalu aamma tikkuarneqassaaq aalajangersagaq taamaallaat atortinneqartussaammat ingerlatsinerni sumiiffinni naatsorsuutigisaasuni kulturikkut kingornussanut annertuumik sunniuteqartussanut. Taamaasillunilu imaanngilaq ingerlatsinerni tamani nalilersuisoqartussaasoq.</p> <p>Pineqarsimappat sumiiffik eqqissisimatitaasoq, taava eqqissisimatitsinermit malittarisassat atuuttut naapertorlugit aallartitsisoqarsinnaanngilaq misissueqqaarnernik, ujarlernernik imaluunniit iluaquteqarnermik allanilluunniit ingerlatsinernik, inuit tamat tamaaniissinnaanerisa saniatigut. Tamanna aamma atuuppoq annikitsumik</p> |
|--|--|--|--|

| | | | |
|--|--|---|---|
| | | <p>siunnersuummi oqaaseqaatini immikkoortunut ataasiakkaanut nr. 8, oqaaseqatigiit aappaanni imatut oqaasertaliisoqarnissaalluni:</p> <p>Aalajangersagaq tunuliaqutaqarpoq kissaateqarnermik suussusilersuisoqarnissaanik nalorninaataasinnaasut silarsuarmitut naleqartitaannut, UNESCO-mi nunarsuarmitut kingornussaattut ittuni. Nalilersuisarnissamik piumasaqarnej kingornagullu nalunaarusiortarneq tamanna pillugu, taamaakkaluartoq pisariaqartutut nalilerneqarpoq apeqqutaatinnagu eqqissisimatitsinerup imaluunniit allatigut kulturikkut oqaluttuarisaanermi illersuinissap suna tunuliaqutarisimaneraa, taamaattumillu piumasaqaat ataatsimut atuuttuvoq, pisuni kulturikkut kingornussat pineqartut silarsuarmitut immikkuullarissamik naleqartitaattut nalilerneqartillugit.</p> | <p>aatsitassarsiornermik ingerlatsinerlut.</p> <p>Pineqarpat sumiiffik illersugaasoq allatigut kulturikkut eriagisassanik kulturikkut kingornussatut illersuinerlut aalajangersakkat naapertorlugit, taava malittarisassat atuuttut naapertorlugit allatigut kulturikkut eriagisassanik kulturikkut kingornussatut illersuineq pillugu aalajangersakkat naapertorlugit, taava ingerlatsisoqarsinnaanngilaq takujuminaallisaataasunik imaluunniit aserorterisunik sumiiffiup ilaani sumiiffimmiluunniit ataatsimut isigaluni. Aatsitassarsiorneq nalinginnaasumik taamaattuusarpoq. Annikitsunik aatsitassarsiornerit eqqarsaatigalugit tamanna pisunut namminernut atasumik nalilersuinermik tunngaveqassaaq, pisunilu namminerni nalilersuisoqassanersoq isummerfigineqassalluni. Kisiannili annikitsunik aatsitassarsiornissanut akuersissuteqanngilaq sumiiffinni kulturikkut kingornussatut illersugaasuni (sumiiffiit silarsuarmitut kingornussaattut illersukkat), soorluttaaq naatsorsuutigineqanngitsoq akuersissuteqartoqarnissaa sumiiffinni nunaminertani UNESCO-mut nalunaarutigineqarnikummat sumiiffiit aatsitassarsiorfiususaanngitsut. Taamaasillunilu annikitsumik aatsitassarsiornermut atatillugu maanna</p> |
|--|--|---|---|

| | | | |
|------|--|---|---|
| | | | <p>aalajangersakkamut atatillugu ajornartorsiutitaqanngilaq</p> <p>Pineqarsimappat sumiiffik isumaliutaasoq eqqissisimatitsiviulertussatut allatigulluunniit kulturikkut eriagisanik kulturikkut kingornussatut isiginniffiuniartumik, tamanna pillugu nalunaaruteqarneq nammineq killilersuisuussanngilaq akuersissutitut tunniunneqareersimasunut, misissueqqaarnissanut, ujarlernissanut imaluunniit iluaquteqarnissanut nalunaarutaareersimasunut aatsitassanik, sermimik imaluunniit imermik, kiisalu erngup nukinga iluaqutigalugu nukissiorfiliornissanut, tamatumunngalu atatillugu misissuinissanut. Tamannalu tusarniaanermi oqaaseqaataasut tunngavigalugit aalajangersakkani erseqqissaavigineqarpoq. Ilanngussinnginnissamik assigisaanik atuuttoqarpoq maanna malittarisassani atuuttuusuni (§ 24, imm. 3) inerteqquteqarnermut imaluunniit inerteqquteqalernissamut akornutaasinnaasunik iliuseqannginnissamik eqqissisimatitsinermut allatigulluunniit kulturikkut eriagisassanik kulturikkut illersuinissamut isumaliutaasumut atatillugu, aalajangiinernik pineqartut nalunaaruteqartoqarsimatillugu.</p> |
| 13.3 | | <p>Aatsitassanut Naalackersuisoqarfiullu ilanngullugu oqaasertaliineq "Aalajangernissatut isumaliutigineqartoq" siunnersuutigineqartumi § 24 a,</p> | <p>Oqaaseqaat pissutissaqartitsisimavoq siunnersuummi erseqqissaateqarnissamut. Siunnersuummut oqaaseqaatini</p> |

| | | | |
|------|--|--|---|
| | | <p>imm. 1-imi ersernerluttut nalilerpaa. Erseqqissarneqartariaqarpoq suliat qanoq ingerlareersimatigisariaqartut aalajangiisarnerit eqqarsaatigalugit eqqissisimatitsinissamik isumaliuteqarneq nalilersuinissamik piumasaqartitsinersoq pillugu.</p> <p>Aatsitassanut Naalackersuisoqarfiup taamaattumik siunnersuutigaa § 24 a, imm. 1-imi imatut oqaasertaliisoqassasoq:</p> <p>§ 24 a. Sumiiffinni aalajangiisoqarsimatillugu imaluunniit aalajangiisoqarnissaanik isumaliuteqartoqartillugu eqqissisimatitsinissamik imaluunniit allatigut kulturikkut kingornussanik illersuinissamik isumaliuteqartoqartillugu, tak. § 24, imm. 1, tamatumunnga atatillugu ilisimatitsisoqareertillugu, tak. § 25, imm. 3, imaluunniit immikkut akuersissuteqarnissaq pillugu suliamik ingerlatsisoqartillugu, tak. § 24, imm. 3, oqaaseqatigiit aappaat, imaluunniit § 24, imm. 4, oqaaseqatigiit aappaat, ingerlatsinerit sumiiffimmi kulturikkut kingornussanut annertuumik sunniuteqarsinnaasutut isigineqartillugit suliat aatsaat aallartinneqarsinnaapput nalilersuisoqareerpat ingerlatsinerit kulturikkut kingornussanut qanoq sunniuteqassanersut pillugu, tamannalu pillugu nassuiaasiaq Naalackersuisunut akuerineqareerpat.</p> | <p>nalunaarneqarpoq aalajangiinissatut isumaliutaasutut paasineqassasoq Nunatta Katersugaasiviata Allagaateqarfiatalu piffissamit nalunaaruteqarfigisaaniit, tak. Inatsisartut inatsisaanni § 25, imm. 2, inaarutaasumik aalajangiisoqarnissaata tungaanut.</p> <p>Taamaattoq pissusissamisoortinneqarpoq tamatuma inatsisip nammineq oqaasertaani ilanngunneqarnissaa.</p> |
| 13.4 | | <p>Tamatumalu saniatigut Aatsitassanut Naalackersuisoqarfiup ujartorpai malittarisassiat ersarissut, qaqugukkut (pisuni qanoq ittuni) nassuiaasiamik suliaqartoqartassanersoq pillugu. Inatsisissamut siunnersuummut matumunnga oqaaseqaatini taamaallaat eqqaaneqarpoq Nunatta</p> | <p>Siunnersuummi allannguinnissamut pissutissaqartitsinngilaq.</p> <p>Innersuunneqassaaq tusarniaanermi akissutaasumut 11.6-imut akissut.</p> |

| | | | |
|------|--|--|---|
| | | <p>Katersugaasiwiata Allagaateqarfiatalu suliarisassagaa nalilersuineq qaqugukkut ingerlatsineq kulturikkut kingornussanut annertuutigut sunniuteqartussaansoq. Malittarisassanik amigaateqarneq inatsisitigut aalajangersakkani nalorninartumik inissimatitsivoq, taamaattumillu Aatsitassanut Naalackersuisoqarfiup kissaatiginartippaa erseqqissarneqassasoq ingerlatat suut tunngaviusinnaanersut piumasaqarissamut nalilersuisoqarnissaanik nassuiaammillu suliaqartoqarnissaanik. Aatsitassarsiornermut atatillugu assersuutigalugu aalajangiisuvoq akuersissummik pigisaqartunut nalilersuinerup nalunaarusiornerullu ujarlernermili suliarineqartussaansoq imaluunniit aatsaat tamanna pissanersoq iluaquteqarneq aallartippat.</p> | |
| 13.5 | | <p>Aatsitassanut Naalackersuisoqarfiullu ilanngullugu ajornartorsiorntutut isigaa nassaassaqaanngimmat piumasaqaatinik nalilersuinissap nalunaarusiornissallu sunik imaqarnissaanik, tamatuma ajornarluinnartippaa akuersissummik pigisaqartut aningaasartuutissanik piffissamillu atuinissamik nalilersuinissaat. Aatsitassanut Naalackersuisoqarfiup inassutigaa taamaattumik ilanngussamik suliaqartoqassasoq piumasaqaatinik immikkuualuttortalersukkanik imaqartumik, nalilersuinissat nalunaarusiornissallu sunik imaqarnissaat pillugit, inatsimmik allannguinnisaq akuersissutigineqartinnagu. Paragrafimi siunnersuutigineqartumi imm. 3 killiligaanngitsunik allannguisinnaanermut periarfissaqartitsiniarneq inatsisinik</p> | <p>Siunnersuummi allannguinnissamut pissutissaqartitsinngilaq. Innersuunneqassaaq tusarniaanermi akissutaasumut 11.6-imut akissut.</p> |

| | | | |
|-------------|--|--|--|
| | | qanoq tunngaveqarnerup nalorninartorsiortinneqarneranut ilassutitut nalorninarsaataavoq. | |
| 13.6 | | Ataatsimut Naggasiullugu Aatsitassanut Naalackersuisoqarfiup malugeqqussavaa eqqissisimatitsinissanut suli amerlanerusunut malittarisassat taarsiivigineqarnissamik piumasaqaatinik maanna akuersissummik pigisaqartuniit kinguneqarsinnaammak. | Siunnersuummi allannguissamut pissutissaqartitsinngilaq. Siunnersuummi siunnersuuteqartoqanngilaq eqqissisimatitsinissanik amerlanerusunik imaluunniit sumiiffinnik eqqissisimatitaasunik annertusisitsinissanik. |

Siunnersuummi immikkoortunut ataasiakkaanut oqaaseqaatit

§ 1-imut

Nr. 1-imut

Aalajangersakkami ingerlateqqinneqarpoq Nuna Allanngutsaaliugaq/Biosfæreqarfiusoq Kalaallit Nunaata Avannaani Kangianilu inissisimasoq pillugu Namminersornerullutik Oqartussat nalunaarutaanni nr. 7, 17. juni 1992-imeersumi § 16, imm. 2 a-mi aalajangersagaq.

Inussuttut paasineqassapput ujaqqat qaleriaakkat nalunaarsuutitut pinngortitami sularineqarsimasut. Inussuit suliaasarput inummit imaluunniit inunnit arlalinnit, siunnerfeqartumik sumiiffimmi nalunaaqutsiussatut ujaqqanik qaleriaakkanik. Inussuit amerlasuutigut malugiuminartumik nunami qattunerni inissinneqarsimasarput. Inissinneqarfigisaminni inussuit nunami nalunaaquttatut, imaaniit takuneqarsinnaasutut nalunaaquttatut aqutissamut, ilivitoqqat nalunaaqutaattut, pigisanut nalunaaquttatut, piniariartarfimmut nalunaaquttatut assigisaattullu inissitaasarlutik.

Inussummi inissinneqarsimasutut oqaluttuatut paasineqassapput pappialamineq imaluunniit pappialat allassimaffiit arlaqartut, ilisimasassarsiortunit imaluunniit allatigut angalasunit inussummi inissitaasimasut, kingusinnerusukkut takkukkumaartunut paasissutissiissutitut. Allataq ilusiligaasinnaavoq immikkuualuttortalersukkamik nalunaarutitut, angalanerup piffissami tassani qanoq ingerlasimanera pillugu, piffissami tassanerpiaq pisunik ilisimatitsissutitut, nalunaarutitut assigisaattulluunniit.

Nr. 2-mut

Aalajangersagaq isiginiarneqassaaq malittarisassanut § 5-imi, imm. 1, oqaaseqatigiit siulliit, aamma § 5-imi, imm. 2-mut atasumik, taanna aallaaviummat nalunaarutikkut malittarisassiarineqarsinnaasunut.

Tigussaasumik tunngaviliisoqarpoq malittarisassiortarnissani aallaavissanik, nalinginnaasumik aalajangersakkanik saneqqutsisinnaanermik qaqugukkut isumamineertumik eqqissimatitsisoqartassanersoq qanganitsanik eriagisassanik nunamit imaaliallaannaq peerneqarsinnaanngitsunik, imm. 1-imi oqaaseqatigiit siulliit naapertorlugit, aamma qaqugukkut imm. 2 naapertorlugu eqqissimatitsinissamik aalajangiisoqartassanersoq pillugit.

Nr. 3-mut

Imm. 4-mi aalajangersagaq Nuna Allanngutsaaliugaq/Biosfæreqarfiusoq Kalaallit Nunaata Avannaani Kangianilu inissisimasooq pillugu Namminersornerullutik Oqartussat nalunaarutaanni nr. 7, 17. juni 1992-imeersumi § 16, imm. 2, b-mi aalajangersakkamik ingerlatitseqqinneruvoq.

Imm. 5-imi aalajangersagaq ikkussaavoq periarfissiiniarluni qanganitsat eriagisassat imaaliallaannaq peerneqarsinnaanngitsut sumiiffinnilu annerusumik illersorneqarnissaannik pisariaqartitsiviusuni kissaatigineqarmat illersuinerup annertunerulersinneqarnissaa, nalinginnaasumik illersuiniarluni iliuusaasartunut sanilliullugu.

Assersuutitut eqqaaneqarsinnaapput nioqqutissiorfiusimasut aamma umiarsualiviusimasut nutaanngitsut, atorunnaarnikuusulli, kisiannili allanngutsaaliniarneqartut, sumiiffiup immikkuullarissusaanik peqquteqartumik.

Nr. 4-mut

Aalajangersagaq allanngortinneqarpoq § 22 a-mik ilanngussinerup kingunerisaanik.

Nr. 5-imut

Aalajangersagaq allanngortinneqarpoq § 22 a-mik ilanngussinerup kingunerisaanik.

Nr. 6-imut

Inatsisartut inatsisaanni § 22-mi aalajangersagaq maanna avinneqarpoq marlunngorlugu, taamalu § 22 nalinginnaasunik aserfallatsaaliinernut tunngasuulerluni, aammalu § 22 a illut sannaannut tunngassuteqalerluni.

Nr. 7-imut

Aalajangersakkakkut immikkut ilinniartitaanikkut piumasaqaateqartoqanngilaq inunnut sanaartukkanik eqqissimatitaasunik suliaqartunut. Qitusoq tassaavoq inuit suliaassanik pineqartunik suliaqartut piginnaaneqarnissaat sanaartukkat (illut) piujuaannartitsiniarluni

aserfallatsaalineqarnissaannik, suliassa qarfinni sanaartukkat ataasiakkaat inissisimaffigisaanni.

Oqariaatsimi ”ajornanngippat illup atortoreriigaanik taarsinani ingerlanneqassapput” imm. 2-miittoq paasineqassaaq, illup ilaata taarsersorneqartarnera taamaallaat pisassasoq ilisimannittunik nalilersuisoqarneratigut, allanik pitsaanerusunillu periarfissaqanngippat.

Nalilersuineq pisassaaq piffissami atuuttumi atortussat sulisussallu illuutunik aserfallatsaaliinermik pissarsiarineqarsinnaasut nukiiit atorlugit.

Naalackersuisut pisussaaffiat sanaartukkanik suliaqarneq pillugu erseqqinnerusunik maleruagassiornissaq assersuutigalugu teknikkit akuerisaasut aserfallatsaaliinermilu ileqqut akuerisaasut atorneqartassasut. Maleruagassani ilaatigut sananermi atortussat sorliit atorneqassanersut ilanngunneqarsinnaapput aammalu sananermi sanaqqaarnermi atortut assingi imaluunniit sananermi atortussat assingusut atorneqartassanersut.

Nr. 8-mut

Ingerlatat kulturikkut kingornussanut sunniutaat pillugit naliliineq pillugu aalajangersagaq ikkunneqarpoq qularnaarumallugu iternga tikillugu kingunerisassaanik nalilersuisoqartarnissaa, sumiiffimmut kulturikkut oqaluttuarisaanermut attuumassuteqartumut tunngatillugu, eqqissisimatitsinissamik imaluunniit allatigut kulturikkut eriagisassanik kulturikkut kingornussatut illersuinissamik aalajangiisoqartinnagu.

Aalajangersakkap siullertut atuuffissaa killilersorpaa. Taamaasilluni sumiiffeqarpoq eqqissisimatitaasunik, imaluunniit allatigut kulturikkut eriagisassanik kulturikkut kingornussatut illersugaasunik. Aappaattut killilersorpai pineqartut ingerlanneqarsinnaasut. Taamaasilluni ingerlatsinerit tamarmik pineqanngillat ilaasutut, kisiannili taamaallaat ingerlatat naatsorsuutigineqarsinnaasut sumiiffimmi kulturikkut kingornussanut annertuumik sunniuteqarsinnaasutut. Ingerlatap pineqartup kulturikkut kingornussanut sunniutigisinnaasaanik nalilersuinermi nalilerneqartussaavoq, qanoq annertutigisumik kulturikkut kingornussat eqqissisimatitsinikkut illersorneqartut imaluunniit allatigut kulturikkut eriagisassanik kulturikkut kingornussatut illersuinermi ilaasut ingerlatsinernit sunnerneqarnerisut.

Sumiiffik eqqissisimatinneqartoq pineqarpat, taava kulturikkut kingornussanut eqqaassutissanut inatsimmi § 24, imm. 3, oqaaseqatigiit siulliit naapertorlugit sunilluunniit ingerlatsisoqarsinnaanngilaq, inuit tamat tamaaniissinnaanerat eqqaassanngikkaanni. Taamaattoq tamatumunnga immikkut akuersissuteqartoqarsimasinnaavoq kulturikkut kingornussanut eqqaassutissanut inatsimmi § 24, imm. 3, oqaaseqatigiit kingulliit naapertorlugit, taamalu killeqartumik ingerlatsisoqarsinnaanera ajornartinneqarani. Sumiiffinnut eqqissisimatitaasunut tunngatillugu taamaasilluni taamaallaat aalajangersagaq atorfissaqarsinnaavoq. Tamannalu atuussinnaavoq pisuni kissaataappat ilassutitut

ingerlatsisoqarnissaa akuersissutaareersut saniatigut. Taamaasillunilu aatsaat immikkut akuersissuteqartoqarnissaanik nutaamik ingerlatsinissamut qinnuteqartoqassalluni.

Pineqarsimappat sumiiffik allatigut kulturikkut eriagisassanik kulturikkut kingornussatut illersuinermi ilaasoq, taava taava kulturikkut kingornussanut eqqaassutissanut inatsimmi § 24, imm. 3 naapertorlugu ingerlatsisoqarsinnaanngilaq sumiiffimmut takussunarsaataasinnaasunik imaluunniit aserorterissutaasinnaasunik sumiiffimmut tamarmiusumut sumiiffiulluunniit ilaanut. Taamaattumik nalilersuinermi ingerlatat sumiiffimmi kulturikkut kingornussanut sunniuteqarsinnaaneratt pillugu, naleqquttuussaaq nalilersussallugu ingerlatat takussunarsaataasinnaanersut imaluunniit aserorterisinnaanersut. Naatsorsuutaavorlu imm. 4-mi piginnaatitsissummik tunngaveqartumik aamma aalajangersaasoqassasoq malittarisassanik ersarinnerusunik, atortinneqartussanik aalajangiinerni nalilersuisoqassanersooq pillugu.

Pingajuattut aalajangersakkami aalajangiunneqarput pisussaaffiit suut atuuttuusarnersut pineqartunik ingerlatsinissamik kissaateqartumut. Tamatumani pineqartunut ilaapput nalilersuinerit ingerlatat kulturikkut kingornussanut sunniutaannik, aamma nalunaarusiamik tamanna pillugu suliaqarneq Naalakkersuisunut akuerineqartussamik. Nassuiaasiap Naalakkersuisunit akuerineqartussaanerata qularnaartussaavaa soqutigisaqartut naleqquttut tamarnik ingerlatsinermi kiisalu aamma kulturikkut kingornussanik illersuinermi nassuiaammik naammattumik isiginiarneqarsimanissaat.

Nalilersuineq qaqugukkut ingerlatat isigineqarsinnaanersut kulturikkut kingornussanut sunniuteqartussatut ingerlanneqassaaq Nunatta Katersugaasivianit Allagaateqarfianillu. Tamatumani tunuliaqutaapput Nunatta Katersugaasiviata Allagaateqarfiatalu suliaqqarfimmi tassani nakkutilliisutut inissisimareerneranik, eqqissisimatitaasunut imaluunniit allatigut kulturikkut eriagisassanik kulturikkut kingornussatut illersuinermi ilaasunut, aammalu Nunatta Katersugaasiviata Allagaateqarfiatalu immikkut ilisimasalittut kulturikkut kingornussanut atatillugu inissisimaneranik.

Periarfissaqartitsisoqarpoq assersuutigalugu annertussutsinut, ilutsinut aammalu nalunaarusiap imassaasigut malittarisassat imm. 4 naapertorlugu aalajangersarneqartut naapertorlugit aqutsisoqarsinnaaneranut.

Aalajangersakkap imm. 2-ani erseqqissarneqarpoq pisussaaffik aamma atuuttoq pisuni isumaliuteqarfiusuni aalajangiisoqarnissaanik eqqissisimatitsinissamik imaluunniit allatigut kulturikkut eriagisassanik kulturikkut kingornussatut illersuineq pillugu, aammalu immikkut akuersissuteqarnissamik suliaqartoqartillugu, § 24, imm. 3, oqaaseqatigiit aappaat, imaluunniit § 24, imm. 4, oqaaseqatigiit aappaat naapertorlugu. Aalajangersagaq tassani isigineqassaaq ilassutaasutut kulturikkut kingornussanut tunngasumik inatsimmi § 25, imm. 2, oqaaseqatigiinnut siullernut. Aalajangersarneqarpoq piffissamiit eqqissisimatitsiniarnermik imaluunniit allatigut kulturikkut eriagisassanik kulturikkut kingornussatut illersuineq pillugu aalajangersaasoqarnissaanik isumaliutersortoqarnera pillugu, ingerlatsisoqarsinnaanngitsooq

eqqissimatitsiniarnermik imaluunniit allatigut kulturikkut eriagisassanik kulturikkut kingornussatut illersuinermik ajornarnerulersitsisinnaasunik.

Imm. 2-mi erseqqissarneqarpoq pisussaaffik atuuttartoq piffissamiit aalajangiisoqarsinnaanera pillugu nalunaaruteqarnermiit, tak. kulturikkut eqqaassutissanut inatsimmi § 25, imm. 3.

Kiisalu aamma sanioqqutsisinnaanermut aalajangersakkamik imm. 2-mi ilanngussisoqarpoq, pisussaaffik atortinneqassanngitsoq ingerlatsinissamik kissaateqartoq misissueqqaarnissamut, ujarlernissamut imaluunniit iluaquteqarnissamut aatsitassanik, sermimik aamma imermik nalunaarfigineqareersimagaangat, kiisalu aamma nukissiorfiliornernut tamatumunngalu atatillugu misissuinermik ingerlatsisinnaanernut. Aalajangersagaq assigisaa nassaassaavoq kulturikkut eriagisassat pillugit inatsimmi § 25, imm. 3-mi oqaaseqatigiinni kingullerni, ingerlatsinernut eqqissimatitsisoqalersinnaaneranik imaluunniit allatigut kulturikkut eriagisassanik kulturikkut kingornussatut illersuinerik aalajangiisoqarsinnaaneranik paasissutissiisoqareernerani ingerlanneqartunut tunngatillugu. Sanioqqutsisinnaaneri aalajangersagaq taanna pisariaqartinneqarsimavoq, Namminersorlutik Oqartussat taarsiissuteqarnissamut akisussaatinneqarsinnaaneri pinngitsoorsinnaajumallugu pineqartuniit akuersissummik pigisaqartuniit. Immikkut sanioqqutsisoqarsinnaaneranik aalajangersakkap akornusinnigilaa kingusinnerusukku eqqissimatitsinissamik imaluunniit allatigut kulturikkut eriagisassanik kulturikkut kingornussatut illersuinermik aaqqissuussisoqarsinnaaneranik aalajangersaasinnaaneq.

Pisuni akuersissummik pigisaqartup piginnaatitaaffisigut killilersuiffiusuni, ajornartorsiut taamaattoq arsaarinnittarnermut malittarisassat atuuttut eqqartuussivitsigut suliarineqartarneri pillugit aalajangersakkat naapertorlugit suliarineqartussaavoq.

Imm. 3-mi aalajangersarneqarpoq ingerlatsinissamik kissaateqartoq taannaasoq akisussaasoq nalilersuinissamik, nalunaarusiornissamik aamma Naalakkersuisunut nalunaarusiamik nassiussinissamut.

Nassuiaasiap suliassamik ingerlatsinissamik kissaateqartumut suliarineqartarnissaa aallaaveqarpoq tunngaviusumik paasinninnermik, ingerlatassamik suliaqarniarluni kissaateqartoq kingunerisassanik qulaajaasussaasoq isumaammat.

Aalajangersagarlu aamma ikkunneqarpoq kulturikkut kingornussanik illersuineq annertuumik tunngaveqarmat paasinninnermik, sumiiffimmi pineqartumi sulianik ingerlatsisuusup eqqumaffigisarai kingunerineqarsinnaasut assigiinngitsut tamaasa.

Imm. 4-mi aalajangersarneqarpoq Naalakkersuisut ersarinnerusunik maleruagassiussasut nalilersuisarneq kulturikkut kingornussanut sunniutaasut pillugit, kiisalu nalunaarusiortarneq nalunaarutillu akuerineqartarnera pillugit, tamatumaniilu aamma atugassarititaasut malinneqartussat kulturikkut kingornussanik nalilersuisarnermut, aamma atortut nalilersuinermi pilersinneqartussat pillugit.

Periarfissiisoqarpoq assersuutigalugu annertussutsit, iluseq aamma nassuiaasiap imai ersarinnerusumik aqunniarlugit aaqquissuussisoqarsinnaasoq malittarisassani imm. 4 naapertorlugu aalajangersarneqartuni.

ICOMOS-ip malittarisassaatai taaneqartut "Guidance on Heritage Impact Assessments for Cultural World Heritage Properties" annertuutigit atorneqarsinnaassapput aallaavittut malittarisassanut, kulturikkut kingornussanik nalilersuinermut aamma nassuiaammik suliaqartarnermut tunngavissatut.

Nr. 9-mut

Aalajangersagaq allanngortinneqarpoq § 22 a-mik ilanngussinerup kingunerisaanik.

Nr. 10-mut

§ 22 a, imm. 1 aamma 2 aamma 24 a, imm. 1 ilanngunneqarpoq imaasillugu taakkua unioqquinneri aamma akiliisitaanermik kinguneqarsinnaasut. Kiisalu ilanngunneqarpoq malittarisassanik atugassarititaasunillu § 5, imm. 4, § 6, imm. 5, § 22 a, imm. 3 aamma § 24 a, imm. 4-miittunik unioqquitsineq aamma akiliisitaanermik kinguneqarsinnaasoq.

§ 2-mut

Imm. 1

Atortuulersitsinissamut 1. januar 2019-imik ulluliineq aalajangersarneqarpoq siunnersuut akuersissutigineqareeruni, inatsisartut ukiakkut 2018-imi ataatsimiinnerata naammassisimatsiarnerani atortuulersinneqarsinnaanngorlugu.

Imm. 2

Aalajangersagaq § 1, nr. 7 aamma 8-mi aallaaveqarpoq ersarinnerusunik maleruagassiortoqarnissaanik, tak. §§ 22 a, imm. 3 aamma 24 a imm. 3. Qularnaarumallugu piffissaqartoqarnissaa pisariaqartumik malittarisassiornissanut aalajangersakkat 1. juli 2019-imut aalajangiunneqarpoq.